

卅七
9

T 2455/17

金史


卷四十七

377

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 20 1932

ChL 2455.17



Harvard College Library Imaging Services <http://imaging.harvard.edu>

弘簡錄卷二百四十

明刑部員外郎仁和

和弘齋邵經邦學



皇清翰林院侍講學士四世孫遠平校閱

載記 金庶官二

李師雄 鄭建克

毛碩

楊仲武

耶律懷義

益山

盧彥倫

子幾孫亨嗣

毛子廉

李三錫

孔敬宗

李師夔

沈璋

蕭王家奴

蕭恭

伯德特爾補

趙賊

石抹卞

龐迪

郭企忠

張彝

移刺幹里朶

蒲察幹論

僕散渾坦

烏古論三合

白彥徹

烈刺

移刺濫

尼龐古鈔

石抹榮

阿勒根彥忠

移刺成

按答

完顏兀不喝

移刺慥

移刺子敬

高松

高闕山

高竑

哈佛大學漢和圖書館藏印

李師雄字伯威。馮門人。有材力。喜談兵。慕古之英雄。故名師雄。宋宣和中。試中騎射。累官大名清平尉。王師至。與府僚出降。攝本路兵馬都監。入齊。爲大總管府先鋒都統制。知淄州。國廢。改汴京馬軍都虞候。歷知寧海軍曹州刺史。皇統二年。遷武勝軍節度使。正隆末。以事就逮。降河州防禦使。宋將吳璘兵至城下。州人謀欲出降。師雄止之。乘城拒守。宋將權儀鞭馬方上浮橋。引弓射之。墜于橋下。擒之。宋師退。未幾。以疾歸。汴卒鄭建克字仲實。其先京兆人。占籍鄆州。仕宋。累官知延安府。鄆延路兵馬都監。天會七年。來降。仍知延安。宋劉光烈兵八萬來攻。所領祇屯兵三千。相距四十餘日。攻益急。建克遣人會斜喝軍夾擊。破之。俘其裨將賀貴。遷節制司統制。軍馬改京兆府路兵馬都監。敗宋曲端於彭原。擊宋守將高昌宗於延安。盡復城。

已復知延安府事。入齊。累遷博州團練使。知鐵州。國廢。入宋。改環慶路經略安撫副使。仍知州事。陝西復歸。轉經略安撫使。知慶州。從破甘谷城。授平涼尹。值營建南京宮室。大木浮河而下。筏工多沉溺。有司誣爲逃亡。爲白于朝。得釋。正隆軍興。括筋角造軍器。往往生拔其角。牛有泣下者。亦白于朝。平口雖謙。遂下士然。朝剛暴敵。已以上一無所屈。省部文移有不應法。輒即毀裂。在位者多銜之。胥吏李換竊用公帑。自度不得免。誣以藏甲。欲反。遂與長子愬俱死獄中。

毛頌字仲權。甘陵人。宋末。試弓馬。子弟中選。調高陽關安撫司。准備差使。辟河間尉。爲兵馬都監。宗望軍至。率本部迎降。入齊。由淮東路第一副將。擢知滑州。充劉麟行營中軍統制。天眷間。歷汴京路山東西路兵馬都監。皇統元年。權知拱州柘城。酒

監房人傑以兵叛應宋將張俊時據亳州碩發兵討之躬扣城門呼耆老諭意遂縛人傑以降入縣慰安百姓衆皆感悅刻石紀其事四年真授刺史梁王宗弼承制超武義將軍改知曹州有書生投書不遜辭涉謗訕僚屬皆不堪輒延上座謝曰使碩常聞斯言庶乎寡過士論嘉之尋遷鄭州防禦使改通州天德二年充陝西路轉運使近邊所產麻粟蕎麥賦入甚薄市井交易惟川絹乾薑商賈不通酒稅耗減請視汴與燕京例給交鈔通行其輩會德順道路多險鹽斤太重請一引分作三四以從輕便朝廷皆從之秦州倉粟陳積百姓有支移者止就本州折納其直公私咸便改河東南路轉運使上言頃者定立商酒課不量土產厚薄戶口多寡及今昔物價增耗一槩理責至監官被繫失身破家折儲逃竄又姦吏盜有實錢而以賒券輸官故

河東積貨多至四百餘萬貫公私苦之請自今禁約酒官不得折准賒貸惟許收用實錢則官民俱便至今行之秋滿除南京路都轉運使大定六年致仕卒于家碩性謹飭文雅好事每見古人行事有益於時者常書置座右以爲莅官之戒

楊仲武字德威保安人父遇以勇聞關西爲宥州團練使宋末仲武謁經略使王庶求自効用爲先鋒婁室入關來降以爲安塞堡環慶路兵馬都監皇統初復陝西將兵戍鳳翔屢却宋軍除知寧州關中荐饑境內盜賊縱橫仲武悉討平之改坊州刺史遷同知臨洮府臨洮地界接西羌與木波雜居相率爲寇仲武從數騎入其營曉以禍福且諭之曰此皆邊將貪暴部校侵漁以此爾今懲此輩不復擾害羌人喜悅寇掠遂息海陵營繕南京改河中府同知使興浮橋工役木波因覘仲武不復能

來復寇熙河主帥論之不去必待楊總管來具奏其事詔復遣仲武至與其首相見責以負約對曰邊將苦我故來求訴於上官耳今幸見公願終身不復犯塞乃舉酒酌天折箭為誓仲武因飲以酒曰當更為汝請若復背約必用兵矣羌人羅拜而去後伐宋以為威定軍都總管駐兵歸德大定三年除武勝軍節度使改陝西西路轉運使卒

耶律懷義本名孛迭遼宗室子屢以戰功遷點檢同知諫止遼主謀奔西夏不聽與塗山皆來降從宗翰軍領謀克天會初承制拜為西南路招討使令易置新降諸部乃擇諸部衝要之地建城市通商賈諸部兵革之餘人多匱乏自是衣食歲滋畜牧蓄息伐宋降馬邑被鴈門屯兵進圍太原別引所部降清源縣徐清鎮與諸將屯汾州境時河東陝西路兵來救劉光世折可

不期于文水西山要害之地因分兵襲敗之明年再舉從曩室及引及其屬邑遂過平陽出澤潞以趨河陽所至皆降及大平岡沐屯于京西城既下宋兵出奔遼擊盡殲之從攻鄭鄧二州及討平鄭州叛者又下濮州與雷澤縣破大名東平府徐充等州皆有功七年還鎮十年加尚書左僕射改西北路招討使凡在西陲幾十年撫御有恩去日老幼遮道攀戀數日不得發眷初為太原尹治有能聲改中京留守從宗弼過烏納水還京改大名尹不赴治所祇受俸僚每歲春水扈從餘聽白便呼陵即位封漆水郡王又進封莘王與肅王正隆例降景國公神都幹從海陵南征為西北路招討都監迎侍之官因卒于去中年八十二入耶律塗山系出遙輦氏世為顯族任至金吾備大將軍承制授西北路招討使伐宋率本部為先鋒至汾州

遇宋將折家軍併力破之從攻太原隆德府及入汴克洛陽又
從婁室平陝右天會七年授太子少保十年遷尚書左僕射致
仕卒年九十一正隆例贈特進郃國公

盧彥倫臨潢人以材幹聞遼天慶初蕭貞一留守上京薦除殿
直勾當兵馬公事督捕臨潢盜賊有功至團練使遼兵敗於出
河店還至臨潢令散居北戶給養民苦其暴侵擾無所不至留
守耶律赤剌兒不能禁戢衆無敢言獨彥倫極言之時不能用
度事不可爲天輔四年乃從留守撻不野降授夏州觀察使權
發遣上京留守事部還撻不野復叛彥倫率所部逐之盡殺城
中勢月遣使來報未幾遼將耶律馬哥以兵取臨潢凡拒守七
月救至解去因召赴闕天會二年知新城事時城邑初建民居
公宇多所經畫悉皆有法改靜江軍節度留後知咸州烟火事

未幾授節度使天眷初行少府監兼都水使者充提點京城大
內所素性機巧能迎合悼后意頗見寵用改節利涉軍歲餘遷
侍衛親軍馬步軍都指揮使爲賀宋歲元使改禮部尚書加特
進封郃國公天德二年出爲大名尹明年詔營造燕京宮室以
疾卒年六十九子璣字正甫以蔭補閣門祇候累遷爲客省
使兼東上閣門使改提點太醫教坊司大定十五年充木主生
日副使還遷宣徽同知至左右二宣徽使歷太府監開遠定武
二軍節度使致仕明昌四年復起年已七十強健如昔泰和初
詔預天壽節宴與大臣握槊戲璣獲勝焉二年元妃李氏生皇
子滿三月章宗命以所策杖爲洗兒物從幸玉泉山詔與致仕
宰相俱會食許策杖給扶又從幸秋山賜名馬極蒙眷遇泰和
六年卒年八十孫亨嗣字繼祖以祖蔭補閣門祇候內供奉

歷同監平涼府醋務天山鹽場母憂服闋屢監萊州汲縣東平
酒務課最遷白登縣令明昌四年行六部差規措軍前糧料入
爲典給直長遷署丞改西京中都戶籍判官并太倉使尚醞署
丞丁父憂大安初兼太子家令崇慶元年遷順天軍節度同知
時兵興徵調煩急特以辦最遷定遠大將軍入爲戶部員外郎
貞祐二年罷莒州刺史會討楊安兒爲行六部兵罷還州卒年
六十一與弟亨益友愛讓以父廕亨益早卒子熈幼穉盡以舊
業田宅奴畜財物與之

毛子廉本名八十臨潢長秦人材勇善射遷季羣盜起募勇士
得召見賜甲仗率百人會所在官兵捕盜以功授東頭供奉官
賜良馬天輔四年遷謀克辛幹持刺移刺窟斜招諭臨潢卽率
二千六百來歸令就領其衆佩銀牌招未降軍民慮彥倫怒

其先降令健將孫延壽引騎兵二千伺殺子廉并妻及二子子
廉與窟斜經險阻中騎兵圍之延壽與一將突出直犯子廉引
弓斃其一延壽挺槍幾中子廉避過與捕生擒延壽衆潰去天
會三年除上京副留守久之兼鹽鐵事天眷中以例除燕京麴
院都監宗幹嘗問宰相子廉之功十倍彥倫在臨潢十餘年吏
民畏愛如一日俄除寧昌軍節度使聞海陵弒熙宗子廉歎曰
曾不念國王定策之功耶遂致仕大定二年卒

李三錫字懷邦錦州安昌人以貲得官遷季盜攻州城州人推
主兵事設機應變城賴以完錄功授左承制遷生走天德從劉
彥宗辟將兵保白雲山大兵次萊州率衆來降命攝臨海軍節
度副使叅預元帥府軍事改知嚴州宗望伐宋領行軍猛安敗
郭藥師軍於白河進汝州防禦使從闍母再克汴京護宋二主

改副歸德軍齊國廢詔擇吏三十人與俱行三錫在選中還爲
慶州刺史三遷武勝軍節度使察廉第一轉三階改節安國軍
除河北西路轉運使致仕三錫生平政事強明所至稱治世宗
舊聞其名大定初起爲北京路都轉運使制下已卒
孔敬宗字仲先其先東垣人石晉末徙遼陽遼季任寧昌劉宏
古官幹魯古兵至境上敬宗勸宏迎降用爲鄉導拔顯州以功
補順安令天輔二年詔與宏率懿州民徙內地授世襲猛安知
安州事將兵千人從宗整伐宋汴京平卽命守之歷靜江軍節
度留後石辰信磁四州刺史寧昌歸德二軍節度使階光祿大
夫致仕大定二年卒

李師夔字賢佐奉聖州永興人少倜儻有大志以廕入仕爲本
州總監天輔六年太祖襲遼主于鶯鶯濼郡守委城遁衆無所

屬相與叩門請主郡事乃搜卒治兵迪古乃兵至奉聖州與
里沈璋密謀一城之命懸於此舉詰旦率親信十數輩出城見
余賂約降願無以兵入城及俘掠境內余賂許諾詔以師夔領
武定軍節度使璋爲副使賜駿馬二許以便宜俾招未附者明
年加左監門衛大將軍劇賊張勝萬人逼城度衆寡不敵僞與
之和日致饋給勝信之乘其不備使人刺殺勝以其首徇曰汝
輩皆良民脅從至此今元惡已誅可棄兵歸復其所賊衆大驚
皆散去別賊焦望天尹智穆衆數千復來寇設伏歸路使人行
反間果自相疑望天先引去智穆勢孤亦還遇伏而敗遂執斬
之是後賊衆不敢入境以勞遷靜江軍節度留後武平軍節度
使改東京路陝西東路轉運使致仕對任國公卒年八十五
沈璋字之達學進士業旣爲節制加授太常少卿遷累鴻臚衛

尉二卿母憂起復山西路都轉運副使從伐宋平汴京衆爭趨
貨貨獨載書數千卷而還太行賊陷潞州殺其守姚璠官軍討
平之命璋權知州事至則招復逋逃賑饑困餓收葬橫屍民類
安輯帥府牒盡誅賊黨又軍卒當緣坐七百人璋以職在招三
撫存矧此輩初無叛心爲賊所迫有不得已者今旣招之使來
復命殺之有所不敢帥府始怒俄頃稍霽因召潞軍吾始命戮
爾今汝使君活爾矣皆感泣而去朝廷聞而嘉之拜至諫議大
夫知潞州事百姓咸爲立祠移知忻州改同知太原并加禮部
侍郎介休人張覺聚黨亡命山谷鈔掠邑縣嘗出之以前降者
被殺不肯降必得沈公一言我乃無疑於是命璋往招覺即日
降復轉吏侍西京副留守同知平陽并遷利滏軍節度使爲東
京路都轉運使改節鎮西軍天德元年以病致仕卒年六十四

張氏嘗爲太子光英保母贈銀請光祿大夫子宜中天德三年
賜賜建中榜及第

王政本名南撒里辰州熊岳人其先仕渤海及遼皆有顯者政
嘗使高麗因改今名當遼季亂浮沉州里高永昌知其材畧欲
用之度其無成辭避不就後敗人爭縛以爲功政獨遠巡引退
閑母聞而異之言於太祖授盧州渤海軍謀克從破白霄下燕
雲及伐宋滑州降招爲安撫使從數騎入州前此多殺守將復
爲宋守人以是憂政曰苟利國家雖死何避宗望壯之口身沒
王事利及子孫汝言是也民有因饑爲盜釋其縲繫賑以倉廩
州民皆悅不復爲叛旁郡聞之亦多降者宗望召至轅門撫其
背曰吾以汝爲死矣乃復有功如是慰諭者久之天會四年命
同監燕京都麴院未幾除金勝軍節度同知改權侍衛親軍都

指揮使兼掌軍資值軍旅始定紀綱未立庫筦吏因緣為姦政
獨明會計嚴扁鑄金帛山積較其出納無銷銖之失關母念其
貧遺以黃金百兩銀五百兩及所乘馬六年授左監門將軍歷
安州刺史檀州軍州事戶吏房主事天眷元年遷保靜軍節度
使致仕卒年六十六子遵在遵義遵古

蕭王家奴奚人居庫党河為人魁偉多才未冠仕遼為太子率
府率天輔七年都統呆定奚地因率鄉人來降命為千戶領其
粟奚王回鹲保死親黨金臣阿古猶保撒葛山命與突撚往討
生擒之降其餘眾時平濼多盜卽以所部屢破賊兵斬馘執俘
數被賞資從宗望敗郭藥師於白河有功至河上遇宋兵扼津
要與諸將擊敗之進圍汴破其東門宗望再舉軍至中山諸門
出戰焚我攻其新州河間各以兵來援皆敗之師還屯鎮

河朔濱州賊葛進聚眾數萬從臨淄字董照里領謀克兵先登
力戰大破其眾明年攻滄州宋兵拒戰復從照里擊走之又引
商船十八破宋將徐文舟百艘于海島斬首七百級獲舟二十
天會八年除靜江軍節度授世襲千戶從宗弼征伐為萬戶還
擢五院部節度使天德二年改烏古迺烈招討都監卒 蕭恭
字敬之乃烈奚王之後父翊天輔間歸朝從攻興中遂以為尹
師還以恭為質子伐宋翊領建興成川懿五州兵為萬戶宗望
以恭材勇使代其父行時年二十三至中山宋兵出戰恭先以
所部擊敗之復從經畧山東及渡淮襲康王皆在軍中師還承
制授德州防禦使改棣州隸奚人屯濱棣間耆皇統間進橫海
軍節度副知父變起復為太原少尹獎廉遷中京留守同知入
為兵部侍郎授世襲謀克坐間禁中起居狀決杖奪官貞元二

年擢大興尹同知歲餘遷兵部尚書爲賀宋生日使母憂起復
侍衛親軍馬步軍都指揮使四年加光祿大夫復任尚書經畫
夏國邊界還過臨潼失所佩金牌憂志成疾卒海陵深悼惜之
賻贈加厚命子護衛九哥護喪以還

伯德特离補奚五王族人仕遼御院通進天會初與父撻不也
歸朝授世襲謀克後以京兆尹致仕特离補招降松山平薊等
州未附軍民督之耕作宗望伐宋以爲行軍猛安留規取保遂
安三州攻安肅軍率所部大破河間雄保等援兵十餘萬拔之
卽攝通判事降將胡愈陰結衆謀亂勒兵擒愈及其黨五十餘
人改安肅軍爲州就除同知州事轉磁州捕獲太行羣盜帥府
屬以磁相五州屯兵擒王會孫小十苗清等羣盜遂平遷濱州
刺史廉入優等母憂起復改刺涿州入爲工部郎中從張浩營

繕東京宮室及田穀黨事起朝省員空命攝行六部事遷大理
卿出爲東南二京留守同知天德三年父憂起復除洺州防禦
使正隆盜起引水注附城舊河以爲固盜弗能近州賴以安遷
崇義軍節度使未幾告老卒特离補爲人孝謹政尚簡靜不黷
貨財凡調官行李止車一乘婢僕數人而已

趙賊字德固遼陽人其婦翁以優伶得倖於遼主賊補閣門祇
候累遷太子左衛率後居灤州宗望討張覺賊踰城出降卽授
灤州千戶由洛苑副使遷爲使檢校工部尚書從伐宋遷棣州
刺史侍衛步軍都虞候再舉攻真定與有功改刺商州檢校右
僕射五年同知信德府路統押軍兵兼沿邊安撫事明年權知
濟州八年從定河南授隴州團練使十年改知石州賊因久在
兵間不善治民坐謗議謫監平州甜水鹽齊國廢授宿州防禦

使統本路軍賦爲人重義喜接儒生嘗以事至汴有故人子負官錢贈以橐金其子悉爲私費復代輸之尋有訟徐帥不法者承詔鞠治坐委曲營護廢罷寓居於燕海陵出領行臺賊往見之因訴其事卽位起爲保大軍節度使貞元初改內省使未幾爲中都路都轉運使再徙順義興平入爲太子詹事鎮沁南以疾卒年六十六

石林下本名阿魯古列五代祖王五達駙馬都尉父五斤爲羣牧使從宗輔秋山十年十三已能射連獲二鹿宗輔奇之賜以良馬及金吐鵲天會末宗輔召謀帳下丁父憂人爭附太師宗磐左副元帥撻懶皆使人召下不往後皆坐謀人多其有識宗弼復取河南與宋人戰賴州軍少却身被七創獨率勇士十餘高擊敗之入朝授忠勇校尉遷宣武將軍河間少尹察廉升家

其壽州刺史母憂起復唐州刺史海陵伐宋爲武毅軍都總管山別道進遇宋伏兵擊敗之遂下信陽軍及羅山縣至獎州宋守將先遜因取其城時軍士皆欲逃歸亦爲關子山猛安所劫舍於獎水之曲陰約漢軍乘夜掩殺關子山猛安復將其軍大定二年除鄭州防禦使領行軍黃門戶再伐宋遷武勝軍節度使請和後歷河南大名二尹西南攻耶和討使請新大名城郭益修守禦盜賊不敢發遷臨洮尹卒于官年六十三

龐迪字仲由延安人少制儻喜讀兵書習騎射兼學推步孤虛之術應募隸涇原路第三副將破賊有功授保義郎當從百餘騎經行山谷遇夏人數千衆皆駭懼請避迪躍馬犯陣敵皆披靡身被重創神色自若完軍以還由是知名擢爲正將權發遣涇原路兵馬都監僞齊經畧使張中孚舉迪權知懷德軍兼沿

邊安撫使夏兵五萬薄城廵開門以待衆不敢入因驅數千騎分門突出破之斬首五百級獲軍資羊馬甚衆復破關師古兵擢知鎮戎軍尋權淮南東路馬步軍副總管總制沂密淮陽兼知沂州父憂起復環慶兵馬都鈐轄權知邠州齊廢改華州防禦使廵爲政素善軍變被執不忍刦辱衆悔釋之復還領州天眷中歷承典軍熙秦路兵馬都總管兼知京兆府徙臨洮開渠溉田會陝右大饑流民利其食居人籍其力各咸得所爲立碑紀績官制行轉武功大夫西州團練使特授定遠大將軍七年除慶陽尹經歷三考以治聞詔書褒美西人榮之正隆元年遷鳳翔尹南征役擾徵歛官吏因緣爲姦貧富坐困廵悉召其民共議增減不加威而役力均人情大悅五年徙汾陽軍節度使大定初復尹臨洮遷南京路都轉運使嘗事惜

費爲政安靜河南稱之終陽軍節度使年七十廵性純孝父病醫藥勿效仰天泣禱到以作羹父獲以安昆弟析家財盡以與之一無所取官爵之廢先諸姪疾革沐浴朝服而逝

郭企忠字元弼唐汾陽王儀之後世爲北方節鎮至祖承勳入于遼子孫繼爲天德軍節度使父昌金降爲副使企忠幼孤事母孝謹年十三居喪哀鳴如成人服除襲父官加左散騎常侍天輔中大軍至雲中遣律坦招撫遂率諸部來降太祖問知其家世禮遇優厚賜以白鷹命同勾當天德軍節度事徙所部居于韓州天會三年伐宋領西南諸部番漢軍兵爲猛安從破鴈門屯兵遙領桂州觀察留後鎮代州五臺山賊楊麻胡等聚衆數千與同知廵里討平之遷知汾州大軍初平居民多被掠去城邑蕭然因親詣帥府以請贖還未幾完實如故汾人德

之石州賊闖先生衆數萬至城下率吏民城守合援兵力擊破
之六年改靜江軍留後遷天德軍節度使汴京步軍都指揮使
累金吾衛上將軍秩滿權沁州刺史卒年六十八

張奕字彥微澤州高平人以蔭補官仕齊爲歸德府通判國廢
偵知有兵二萬在郡將謀爲亂約夜半舉燎相應預選市丁結
陣要巷開小南門以示生路亂不得作比明亡匿略盡擒誅首
惡會都統完顏魯補兵至欲根誅餘黨奕保以闔門遂止承制
除同知府事遷天谷元年以泗水與宋改沂州防禦同知復取
後徵赴右省既定汴京授副留守歷陳秦二州防禦同知陸太
原尹晉寧軍報夏人侵界詔往至境按籍各歸所侵土而還奏
言折氏世守麟府以抗夏人本朝有其地遂以與夏夏人平其
丘壠戮及其屍折氏怨入骨髓而不得報今復役守晉寧故激

怒夏人條上其罪欲開邊釁以雪私讎

若徙之他郡則邊

界無事朝廷從其議移折氏守青州夏人遂安正隆間同知西
京留守事遷河東北路轉運使大定三年徵爲戶部尚書甫視
事得疾卒

移刺幹里朶俗名八斤系出遼五院司通莽丹字天會時伐宋
隸軍中遇戰先登屢獲偵人上功補尚書省令史十五年籍發
山後諸部兵與右丞蕭慶會遇官軍數千皆南竄輒以兵邀擊
獲其輜重財物悉送有司一毫弗取以勞遷修武校尉又論復
河南督諸路帥臣進討功遷宣武將軍時六部未分以爲兵刑
二部主事未幾遷右司都事皇統二年授大理正昭德軍節度
同知察廉陞孟州防禦使正隆間轉北京留守同知會發遊古
河關子山等猛安兵討契丹別遣幹里朶押軍南下至松山縣

為賊黨江哥所執欲推為主盟辭言受國厚恩豈從汝反要以
契約寧死不可得賊知不可屈加以困辱使布衣草履逐馬而
行將欲害之因說其監奴得脫還六年九月改北京路轉運使
大定初為博州防禦使再遷利涉軍節度使有農民先因避賊
寄錢三十千於鄰家賊平索之不與訴于縣官却以無契驗至
是陽怒械繫其人給為指汝同盜鄰人懼自陳有欺錢之隙責
歸釋之郡人駭服改通遠軍節度使卒

蒲察幹論上京蓋速河人徙臨潢祖忽士華父馬孫俱贈金紫
光祿大夫幹論剛毅有技能天輔初以功臣子充護衛遷左衛
將軍定武軍節度使召為右副都點檢天德初授世襲臨潢總
路葛呂斜魯猛安改東平尹賜錢千萬累除河南尹海陵伐宋
以為右領軍都監大定二年仍尹河南兼都統軍使宋兵萬人

據壽安縣出遇嵩州刺史石抹突刺押軍萬戶徙單賽補引騎
兵三百巡邏二人請益師幹論使猛安完顏鶻沙虎率七百人
往赴號令士卒皆下馬跪射宋兵不能當走入縣城突刺進逼
之宋人棄城去追及于鐵索口復大敗之遂復壽安改北京留
守大定尹卒于官

僕散渾坦蒲與路挾懣人身長七尺勇健有力善騎射年十六
從其父胡沒速征伐初授修武校尉為宗弼扎也天眷二年與
宋岳飛相拒獨領六十騎深入覘伺至鄆陵敗宋護糧軍七百
餘人多所俘獲皇統九年除慈州刺史再遷利涉軍節度使授
世襲濟州和朮海鸞猛安涉里幹設謀克貞元初丁憂起復舊
職歷泰寧永定軍改咸平尹海陵殺其弟忽士召渾坦至南京
將罪之憐其有功不因弟得官遂釋之改節與平軍世宗擢廣

寧尹窩斡反爲行軍都統與徒單克寧俱在左翼敗賊於長灤
改臨潢尹賊平賜金帛改曷懶路兵馬都總管徙顯德軍慶陽
尹致仕大定十二年上思舊功復起利涉軍節度使進階金紫
光祿大夫歸老卒年七十二渾坦歷一十七官未嘗爲佐貳性
沈厚有識雖未嘗學問明於聽斷所至有聲
烏古論三合曷懶路愛也窟河人後徙真定宗輔聞其勇略選
充扎也多積勞苦後從宗弼征伐補麴院都監伐宋與攻潁州
先登破之皇統元年領漢軍千戶隸以軍四千破除鄭州防禦
同知世宗以父舊人令輔佐太子擢爲少詹事洛州名郡陞爲
防禦使以酬其勞累遷永定軍節度使臨潢鳳翔東平三尹陝
西路統軍使節制州郡躬行儉約政先寬簡邊庭久靖人民獲
安召爲簽書樞密院事卒授其子大典河北西路愛也窟河世

襲猛安阿里門河謀克階武功將軍

白彥敬本名遙設部羅火部族人祖屋僕根父阿斯仕遼爲率
府率彥敬初名彥恭善騎射起家爲吏累補元帥府并尚書省
令史伐宋爲錢帛司都管勾除都元帥府知事授以金牌招諭
諸部行數千里有功超遷兵部郎中熙宗罷統軍改隸招討司
遣收牌印諭諸部還爲本部侍郎遷大理卿出爲通州防禦使
改刑部侍郎怨家誣告開府慎思與西北路部族謀叛鞫得其
實海陵嘉之遷簽書樞密院事以便宜措置邊防伐宋主調會
寧蒲與胡里改三路兵馬擢吏部尚書充南征萬戶遷樞密副
使討契丹撤八以爲北而行營都統得以便宜行事賜御服皮
襖世宗使完顏謀衍將兵來伐彥敬亦遣偏將率兵拒于建州
之境語載紇石烈志寧傳世宗密遣人乘夜揭榜於北京市購

以官賞恐爲人所圖遂降以爲曷速館節度使不數月召爲御史大夫窩斡反遣與紇石烈胡刺往西北路招討司市馬得六千餘匹完顏思敬得其新馬三千追襲賊于山後遣彥敬屯夏國兩界間遂平之還爲兵部尚書出更鳳翔太原二尹兼河北東路兵馬總管尋改河中尹大定九年卒于官 紇石烈胡刺晦發川噠敦河人徙西北路識契丹字爲帥府小吏宗輔在燕京遣往候宗弼于陝西時自鳳翔攻和尚原轉使視彼中地形修道築城十二年又往濱州密訪南邊事體及觀劉豫治齊狀得其虛實宗輔甚嘉之皇統初從宗弼渡淮下廬和二州大破張浚韓世忠等軍遣胡刺馳奏賞以金帛並綵五端絹五疋七年授景州軍事同知察廉加忠武校尉天德初分司行臺監察御史歷濟州防禦同知入爲侍御史秋滿再任大定二年遷刑

部員外郎轉泗州防禦使三遷蒲與路節度使移寧昌軍卒移刺溫本名阿撒遼橫帳人工契丹小字伐宋從大臭渡江辟江寧府都巡檢江寧太平初下宋遣謀人扇構百姓應者數萬人溫擒其謀者竊謀遂寢宗弼嘉之賜銀千兩重綵百端絹二百疋後每出征伐未嘗不在行間除河北西路轉運同知從宗弼巡邊不之官又從入朝熙宗賜宴已醉宗弼欲有奏請溫恐被洒失次竟掖而出明日熙宗語宗弼曰阿撒事叔甚謹不可去左右宗弼益親信之嘗語其壻紇石烈志寧汝可效阿撒爲人可以幾古人矣未幾除中京路都轉運同知累遷左諫議大夫兼修起居注正隆時代宋爲濟州路行軍萬戶從至揚州軍還除宣徽同知世宗御饌不適口召溫嘗之奏曰味非不美乃南北邊事未息聖慮有所在耳上意釋然俄歷永定震武崇義

引簡錄 卷一百四十一 其
臨海四節度使臨海州治近水秋潦暴至城下百姓惶駭躬督
役夫身臨不測爲百姓謝卒繕完之移鎮武定歲且旱蝗復割
指以血溼酒中禱而酌之旣而雨露足有羣鴉啄蝗且盡歲反
大熟人謂至誠所感以老致仕卒

尼龐古鈔兀曷速館人初爲大臭扎也起身細微補元帥府通
事爲人勇敢尚氣善伺敵虛實宋將韓世忠率軍數萬圍邳州
輒將輕騎數百間道與偵人數往救敗敵兵六千遣往宿州分
蒲魯虎軍還至大河遇宋人攻濟州奪戰艦略盡力戰敗之盡
復其舟王師復河南宋將田胡陵夜襲守革布輝營士卒盡沒
鈔兀從東平總管併力戰却之帥府承制加忠顯校尉爲蕃部
禿里賜錢萬貫帛三百疋衣一襲馬二匹將之官大臭請留給
邊事許之復賜錢幣增銀二百五十兩馬三匹錄功授慶陽少

尹久在邊陲屢立戰功海陵伐宋命與白彥敬等往討契丹賜
具裝廐馬至北京未進聞世宗卽位亟往迎謁遷輔國上將軍
與都統吾札忽副統渾討窩斡行至窟歷與賊遇左軍小却鈔
兀挺鎗馳入其陣手殺二十餘人賊乃退仍爲前鋒白花道追
賊及于陷泉大敗之事平遷歷西北東北路招討使鈔兀素與
東京留守完顏思敬有隙因奉詔至招討司不行出餞及思敬
爲平章發其私取諸部進馬事被逮將走京師次海濱縣鈔兀
爲人尚氣不受屈辱遂縊而死十九年詔以舊功授其子和尚
世襲布輝猛安徒胡眼謀克

石抹榮字昌祖七世祖仕遼封順國王遼主奔天德父惕益挺
身赴之見遼主委以軍事軍敗被執將殺之銀朮可白于元帥
彼忠於所事殺之何以勅後得釋後從伐宋卒于軍中時榮方

六歲母忽土特滿携之流離道路宗室神谷得之納爲次室榮就養於家年長事秦王宗翰居幕府天眷二年充護衛熙宗命與胙王角力而勝及連仆力士六七人親飲之酒賜以金幣遷宿直將軍天德初除開遠軍節度使時母尚在神谷家入謝泣下因詔與母俱行賜錢萬貫改天德尹徙泰寧軍再除延安東平尹南征爲神果軍都總管留駐泗州以過道卒大定初還鎮東平與戶部尚書梁銖按治山東盜賊充山東東西大名等路都統有疾改太原與益都尹母憂起復召爲簽書樞密院事歷南北東西四京留守陝西路統軍使與河南尹婁室陝州防禦使石抹斡家奴皆坐高賈賣私物抑賈買民物解職斡家奴前爲單州刺史刦制民譽以誑朝廷得遷太原同知特詔除名久之復起歷臨潢臨洮二尹卒年六十二

阿勒根彥忠本名窟合山曷速館人好學通吏事天會十四年選充兵部孔目官陞尚書省令史除右司都事天眷七年改大理丞爲會寧少尹進同知入爲吏禮部郎中貞元二年進侍郎海陵凡有所疑常使裁決必據法以對間有不合則召讓之彥忠執奏如前終無阿屈同列咸爲懼固執不變由是受知明年除御史中丞歷戶部侍郎侍衛親軍副都指揮使南伐除南京路都轉運使不關吏事用劉樞以在大定二年改大名尹兼本路兵馬都總管四年入爲刑部尚書詔規備北邊艱食戶口及秦州臨潢等處宜安置保戍駐兵芻糧就經畫之還朝以疾卒年五十一贈祭祿大夫命有司致祭賻以銀絹彥忠性孝友嘗使宋所得金帛盡分兄弟親友

移刺成本名落兀與按答皆遼橫帳人沉勇有謀通契丹漢字

天會間為撻懶行軍猛安與宋人戰于楚泗之間率所部先登大破宋軍功最諸將劉麟約會天長軍議進止復與夾古查合你從撻懶得宋生口為鄉導遂達天長宗輔嘉之將廢齊國從宗弼將兵及再伐宋攻濠州每戰輒先多所摧破再取河南及蕭懷忠等八猛安先渡河第功授宣武將軍除威州刺史用廉擢延安同知至昭義軍節度使海陵南伐為武毅軍都總管以本軍守磁州會撤八反凡契丹名將皆坐事誅成即遣其妻子還汴由是不疑時人高其有識改神武軍都總管溯東道先鋒使由淮陰進兵以所部護糧赴揚州敵兵乘夜來攻整兵奮擊斬刈甚衆軍還復鎮昭義察廉優等改河中并臨洮計招降裔家等族首領結什角遷南京留守召拜樞密副使封任國公改北京留守卒計開上悼惜授其子順思阿不武將軍世襲

路鈔亦鄰猛安下查不魯謀克結什角者西蕃董鹿裔孫哥之弟祖永吉父世昌皆受宋官襲把羊族長本朝定陝西換世昌忠翊校尉為鬼蘆族長京賊所殺朝廷遣兵執斬之以鐵哥為把羊族都管初天會中賜夏人舊積石地名為祈安城有注浪四族一吹折門二密臧門三隴逋門四龐拜門其吹折密臧二門夏人破滅之隴逋龐拜二門與裔家族相鄰大定四年宋人破洮州結什角與其母走避裔家族首領播逋與木波隴逋龐拜丙離四族皆老大僧等立結什角為四族長號曰王子其地北接洮州積石軍南即隴逋族限大山以百餘里不通人行東南與疊州羌接西即丙離族與盧甘羌接北即龐拜族與西夏容魯族接地高寒無絲象五穀惟產青稞與野菜合酥酪食之其疆境八千里合四萬餘戶隨水草畜牧遷徙不常結什

角念朝廷爲其父報讐欲棄而歸朝四族不許成至臨洮使人
招之乃率衆來附進馬百疋仍請每年貢馬詔嘉其慕義遣能
吏往撫其家厚加賞賜其母尚在莊浪族中夏人伺知往省出
兵圍結什角招之降不從率所部力戰潰圍出夏人執其母去
後語在粘割幹特刺傳 移刺按荅父留幹同耶律余睹來降
西京復叛遂遇害按荅以死事子授左奉宸熙宗初克護衛除
安州刺史累官東京副留守參政完顏守道經略北方搆戚平
路屯軍都統入爲兵部侍郎徙西北西南兩路舊設堡戍逼近
內地者于極邊安置仍與秦州臨潢邊堡相接除武定軍節度
使以招徠邊部功遷東遼路都統使改臨潢尹卒按荅騎射絕
倫嘗論及善射者世宗曰能如卿乎復善相馬闕市中見良馬
雖羸瘦輒與善價取之

完顏兀不喝會寧府海姑寨 年十三選充女直字學生補上
京女直吏再習小字兼通契丹文字充尚書省令史天德初余
吏部主事鞫問押懶路詐襲謀克事人稱其能擢右拾遺海陵
始聞其名後計其實優於所聞遷右司郎中從至淮南入白世
宗卽位海陵已知先遣人往復沉思良久曰此大事勿泄于外
大定二年秩滿當代世宗喜其善于敷奏特詔再任因語宰相
兀不喝爲人公忠後來有如斯人者卿等宜薦舉之窩幹已平
詔罷契丹猛安謀克其元管戶口皆隸女直遣往區處分置人
戶賑贍貧乏其未嘗爲亂與來降者仍舊若未經罷去猛安謀
克合承襲者仍許承襲兼括買契丹馬匹尋改同知大興尹遷
橫海軍節度使初到官讞囚能得其情人以爲不寃在任五年
卒於官

移刺慥本名移敵列契丹處呂部人通契丹漢字尚書省辟契丹令史攝知除擢右司都事正隆南伐兼領契丹漢字兩司都事大定二年除真定少尹入爲侍御史母憂起復右司員外郎累官陳州防禦使紇石烈良弼薦與裴滿餘慶清幹忠正臣所不及召爲太府監改刑部侍郎十九年命徙按出虎等八猛安白河南置大名東平之境還爲大理卿熙宗在位命參酌隋唐遼宋律令以爲皇統制條海陵率意改革詔更定之慥取皇統舊制及海陵續降通類校定通其窒礙略其繁碎有例該而條不載者用例補之特闕者用律增之凡制律不該及疑不能參決者取旨畫定凡特旨處分及權宜條例內有可常行者收爲永格其餘未可削去者別爲一部凡千一百九十餘條爲書十卷上奏詔頒行之賜銀幣有差項之攝御史大夫擿徙山

八謀克于河北東路置之酬幹青狗兒兩猛安舊居之地詔乏牛耕者買牛給之數月改御史中丞兼同修國史累遷刑吏二部尚書尋改大興尹所治甚善駕幸上京皇太子居守使人論以將有春水之行當益勤乃事還以所獲賜之有疾遣醫診視駕還以爲西京留守改臨洮尹卒

移刺子敬字同文本名屋骨孕魯遼五院人曾祖霸哥同平章事父拔魯爲都統早準備任使官會克中京留督輜重因被掠自髡逃于山林子敬讀書好學博通古今皇統間因修遼史辟爲椽屬史成除遼州同知故事本廳占地廣入數百貫州宮取爲常例子敬竟却之秩滿郡人請留天德三年入爲翰林修撰遷禮部郎中正隆初詔監諸將巡邊軍帥遣以函獲同行官僚皆受獨不敢取海陵嘉之入見語以汝家貧而不苟得凡取者

皆沒入官其後詔子敬宴賜諸部諭之曰凡受進例遣宰臣朕以前能稱職故特命汝使還遷翰林待制大定三年詔同修國史遷往撫高幹餘黨時散居諸猛安謀克及州縣漢人中編令宣諭無以前時用兵挾仇殘害還改秘書少監兼修起居注常召入侍便殿講論古今及時政利害或至夜半時宋請和來書言海陵敗于采石彼按兵不襲俾全師而還宋人自來以浮辭相欺回書宜以理折言往者大軍若果渡江宋國境土今何在也庶幾彼以詭詐我以誠實俄遷右諫議大夫從幸西京州縣官入見猛安謀克不得隨班奏言軍民一體合令隨入上責讓宣徽及端午朝會詔依所奏行之又言山後四外獵地大廣有妨百姓耕墾亦分以與民尋擢秘書監轉簽書樞密院事同修國史出為河中尹請老改典中尹民感其德徒咸平廣寧尹二

者完顏元官方為相時素與馬不與後致仕以賤行所得俸賜并使宋禮物皆散之親舊等殺家無餘財其子贊宅以營墓事

高松本名檀采垣開山似濟州折木六年十九從軍為蒲華有力善戰宗弼聞其名召之左右從徵汴京及和尙原累官咸平總管判官世宗初授左都御史東京路渤海萬戶兵部尚書可喜與李老僧有舊嘗與老僧約同舉事衆謂必袒是軍舉事無難也老僧曰必見聽及是見松說以君有功舊發內藏賞軍老僧曰必見聽及是見松說以君有功舊人何以至今不與老僧曰我一懸冷每念聖恩累世不能報尚敢有他望乎老僧遂不說言已發覺俱敗松後從征高幹以

功遷咸平少尹至崇義軍節度使卒年七十四 高閭山初選
充護衛調顯義軍節度副使轉唐括移刺都札詳穩歷震武軍
節度副使曹王府尉大名治中汝單二州刺史在任好用大杖
反笑時禁不依法用杖決人者以爲難行俄坐決死部民楊仙
削官解職降鳳翔治中復歷原濟泗三州刺史改鄭州防禦使
遷蒲與路節度使移臨海盤安寧昌三軍貞祐二年元兵徇懿
州城破死之

高竑渤海人以蔭補官累調貴德縣尉提刑司舉任繁劇遷奉
聖州錄事察廉轉內黃令入爲左藏庫副使元妃李氏以阜幣
易紅幣獨拒不肯奏於章宗大喜遣人論以所執甚善今姑與
之後不爲例累轉儀鸞局少府少監戶部員外郎出爲安州刺
史大安中召傅越王朮功王判中山命同知府事改河南大名

府同皆兼本路安撫使貞祐二年遷河北西路按察轉運使錄
大名功遷三官致仕興定四年卒

弘簡錄卷二百四十一

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金鹿宮三

移刺道 奧屯襄 完顏蒲刺都 蒲察鄭留

兀顏訛出 精刺真 女奚烈守愚 完顏問山 移刺益

夾谷石里哥 完顏阿里不孫 完顏鐵哥 納蘭胡魯刺

蒲察世達 劉天起 石抹仲溫 石抹元 烏古論禮

蒲察阿里 李术魯德裕 烏古論慶壽 术甲臣嘉

紇石烈桓端 移刺福僧 必蘭阿魯帶 幹勒合打

完顏琢 蒲察移刺都 术虎筠壽 烏林荅與

白華 移刺瑗 徒單元典 附張升

移刺道本名按初辟掌山東東路宗室移刺古總管府簿書往來計議邊事宗弼愛其才召爲元帥府令史轉補尚書省特除監察御史再遷大理丞兼工部員外郎伐宋使督運芻糧會所在盜起道路梗澁海陵惡聞其狀因被杖責使督戰艦渡江大定二年累除工禮二部郎中奉詔招撫諸奚降抹白猛安下謀克徐列等謀克留住蒲鞏白撒等遷御史中丞同修國史奉使河南勸課農桑密訪吏治得失還奏廉能官景州刺史耶律補進一階單州刺史石抹斡家奴泰寧軍節副尹昇卿寧陵縣令監邦彥濬州司候張匡福各進兩階俟秩滿陞除以稱百姓愛留之意貪污官濬州防禦同知蒲速越真定縣令特謀葛並免死決杖除名睢州同知烏古孫阿里補杖削四階非奉旨不得錄用道奉使稱職特改大興同知詔諭京師士民輻湊犯法者

衆罪狀自實毋爲文法所持一斷以公朕嘗論執政必不以小節苛譴卿勉副朕意俄遷刑部尚書坐當鞫訊尚厯局使宗夔副使石抹青狗私用官芻點檢烏林荅天錫囑使輕其罪以付大典府鞫治道及天錫皆解職尋起爲大理卿兼簽書樞密院事再遷西京留守卒

奧屯襄本名添壽上京路人大定十年襲猛安以通練邊事舉授崇義軍節度副使改烏古里紉詳穩召爲都水少監改石州刺史未幾授平南盪江將軍以功陞壽州防禦使遷河南路副統軍兼歸德府同知昌武軍節度使泰和六年從僕散揆伐宋遣揚兵下蔡聲言欲渡宋帥彭汝礪姚公佐悉銳師屯花靨以備崇慶初爲元帥左都監救西京至壘谷口一軍盡殪襄僅以身免坐訊除名明年授上京兵馬使宣宗卽位擢遼東路宣撫

副使未幾改速頗路節度使兼上京留守同知貞祐二年爲元帥右都監行北京元帥府事俄遷宣撫使兼留守與遼東宣撫蒲鮮萬奴宣差蒲察五斤不和詔諭上京遼東皆國家重地以卿等累效忠勤故委之腹心意其協力盡公以徇國家之急自今每事同心併力尚懲前過以圖後功明年正月萬奴反襄遂爲宣差提控完顏習烈所害未幾習烈復爲其下所殺詔曲赦北京

完顏蒲刺都西南路按出灰必刺罕猛安人充護衛除泰定軍節度副使以憂去起復唐古部族節度副使徙安國軍移紮諱穩累官原州刺史坐買部內馬虧直奪一官降北京兵馬都指揮使歷遷寧遠軍刺史臨洮府并西京留守同知崇慶元年授鎮武軍節度使備禦有功會初置東西面經略司就充西面經

略使西京太原嵐州有警約爲應援時州郡皆不欲屬經略司蒲刺上言管內太和嶺諸隘屯兵元帥府輒分臣兵萬二千以戍真定見兵不滿萬羸者十七八臣死不足惜國家事不可不慮詔乃罷經略官入爲簽樞密院事改左副點檢四年遷兵部尚書典定元年致仕四年卒

蒲察鄭留字文叔東京路幹底必刺猛安人大定二十二年登第調高苑主簿濟州司候累尚書省令史監察御史再歷北京臨潢按察副使臺臣奏其稱職遷陝西路按察順義軍節度使釋奠孔子廟鄭留引諸生叙齒列坐陳說古友誼諸事西京民李安兄弟爭財久訟不決因而感悟謝曰節使父母也誓不復爭更相讓而歸朔州多盜禁絕游食多蓄兵器因行春撫諭之亦爲衰息奏獄空賜錫宴錢以褒之改利涉軍節度使詔括馬

使百姓飼養以須既而伐宋諸路馬皆瘦惟隆州馬肥大安初徙安國軍二年知慶陽府事三年夏人犯邊擊敗之至寧元年改知平涼府時新被兵夏人復來攻因招潰卒爲禦守計夏兵退遷官四階貞祐二年改東京留守致仕四年卒鄭留重厚寡言笑人不見其喜愠臨終取奏藁盡焚之

兀顏訛出虎隆安府猛安人與粘割貞俱登大定二十八年進士累除尚書省令史順天軍節度副使召授治書侍御史刑部員外戶部郎中出爲單州刺史河東北路按察副使大興府同秦州防禦使母憂起復泗州防禦使遷武寧河平二軍節度使兼都水監坐前在武寧奏軍功不實降沂州防禦使遷汾陽軍節度使兼經略使興定二年九月城破訛出虎死焉粘割貞本名抄合西南路招討司人歷教授主簿川薦舉除河北大名

提刑知事察廉遷都轉運戶籍判官泰定軍節度副使父憂服闋改德興治中宣德州刺史貞祐初貞以禮部郎中攝國子祭酒恩州刺史攝武衛副都指揮使粘割合達河間府判官攝順天軍節度同知梅只乞奴保州錄事攝承定節度副使伯德張奴出議和事二年議成賞銀幣玉此鶴轉戶部侍郎歷沁南河平鎮南集慶汾陽五年節度使四年改昭義軍充潞州經畧使興定二年入爲工部尚書由壽州伐宋攻王陽有功權元帥左都監守晉安府明年十一月城破貞與府官十餘人皆死之

女奚烈守愚字仲晦本名胡里改門真定府路吾直克猛安人六歲知讀書既齠或謂食肉昏神乃戒不食性至孝年十五父歿營葬如禮治家有法鄉人稱之與完顏闕山紇石烈德俱登明昌二年進士調深澤主簿治有能聲遷懷仁令改弘文校理

至秘書郎秩滿爲臨沂令初下車有不逞五百輩結爲黨大擾
境內聞其名散去蝗起莒密間獨不入境括地議行告者給賞
莒州刺史教其奴告臨沂人得地積賞錢三百萬爲列冤狀徵
還本主流民歸業立石以記其事母喪勺水不入口三日終喪
未嘗至內寢服除授同知登聞檢院改著作郎永定軍節度副
使泰和茂宋守愚爲山東行六部員外郎改大典都總管判官
大安初除修起居注轉刑部員外戶部郎中太子左諭德貞祐
初擢戶部侍郎數月拜諫議大夫提點近侍局二年轉保大軍
節度使加翰林學士參議陝西路安撫使事完顏弼重其爲人
每事咨而後行三年有疾詔賜御藥卒守愚忠實無華孜
孜公務殆天性然完顏闕山蓋州猛安人累調觀察判官補
尚書省令史知管差除出爲河東南路轉運都轉運都勾判官

改南京警巡使毋憂起復南京按察判官遷沁南軍節度入爲
工部尚書貞祐三年知京兆府四年改知鳳翔興定元年以權
元帥右都監參議陝西行省伐宋諸軍事遇宋兵千餘伏吳寨
谷闕山率騎兵掩擊敗之追襲十五里殺三百餘人獲牛羊千
計奉旨清野令百里之內止留桑棗木餘皆伐之行省胥鼎
言方今秋收乃爲此舉旣不能禦敵而又害民非計也且一朝
警急其所伐木豈不資敵乎乃止未幾改知平涼府敗宋人于
步落塢香爐堡遷官一階三年召爲吏部尚書廷議選戶部官
往往多舉聚斂苛刻以徇時尚闕山獨不肯嘗嘆民勞至矣復
用此輩將何以堪識者稱之未幾以晉安行元帥府陀滿胡土
門暴刻命闕山代之是歲十月遂卒紇石烈德字廣之真定
路山春猛安人調南京教授遷朕次令補尚書令史除泗州防

弘簡錄 卷二 四十一 五
禦同知監察御史大名治中安曹裕三州刺史歷臨潢大興府
同貞祐二年遷肇州防禦使升爲武興軍卽拜節度使署宣撫
司都提控肇州被圍一日兵數拔士殊死戰鑿陷馬奔伏甲拒
守其旁食且盡有糧三百船在鴨子河去州五里不能至爲築
甬道導濠水屬之河船至城下民心稍安城圍亦解改遼東路
轉運使軍民遮道挽留乘夜乃得去蒲鮮萬奴逼上京德興部
將劉子元戰却之遷東京留守歷保靜武勝軍節度使興定二
年德行六部事三年權元帥右都監行元帥府于宿州四年遷
工部尚書明年召還中都卒

移刺益字子遷本名特木阿不中都路劄魯土猛安人以磨補
國史院書寫積勞調徐州錄事叅軍召爲樞密院知法章宗立
以爲應奉翰林文字遷翰林修撰時北邊有警太師克靈銳欲

用兵益言天時未和宜俟後雖御史臺薦舉剛正可在遂兼監
察御史未幾改戶部員外郎明昌三年近畿荒歉同十一人皆
授刺史益得霸州入謝詔諭之曰親民之職惟在守令故遣卿
等往撫育之其資序有過弗及朕不計此但以材選爾其知之
旣至首出俵粟以食饑者俸以下及郡人聞者遞出粟以佐之
屬縣視以爲法多所全活郡東南有堤久圯增修築之木不爲
害民便安之爲立生祠五年升遼東路提刑副使會宋主新立
詔以泗州當使客所經宜擇守臣卽授防禦使凡宰相所進擬
上皆不許俄遷戶部侍郎轉兵部屬羣牧人叛命益同殿前都
點檢充往招降之永安二年邊鄙弗寧詔同四品以上入議便
殿奏言天子之兵當取萬全今惟以守爲便若王師輕出少有
不利非惟損威且啓侵玩與常道不合出爲山東西路轉運使

奏勅使按鷹山東擾民上命治使者罪止令調於近甸尋遷河
東南北路按察使上言舊制凡官有不職委所屬上司體訪仍
許州府長貳幕職互相中舉此事有傷禮讓之風亦恐河官因
之不睦別生姦弊乞止令按察司糾劾似爲得體益又言隨路
點軍官與富人會飲公通獻遺宜准監臨官於所部內犯罪究
治上皆納焉泰和二年卒于官

夾谷石里哥上京路猛安人與完顏阿里不孫俱登明昌五年
進士累調泰州防禦判官補尚書省令史歷臨潢婆速路都總
管判官入爲刑部主事改薊州副提控駐軍大名俄遷翰林待
制爲宿州提控從宣撫完顏弼攻大沐罔賊衆千餘逆戰擊以
騎兵盡殲之提控沒烈入自北門遂擒剽二祖以功遷武衛軍
副都指揮使坐前在宿州掠良人爲生口當死特詔決杖徙洺

州防禦使山東路副統軍又坐不時進兵往宿遷取妻子解職
起爲東平行軍提控典定元年石里哥破宋兵于宿州以功遷
授安化軍節度使移定海軍卒 完顏阿里不孫字彥成曷懶
路泰申必刺猛安人調易州與忻州軍事判官安豐縣令補尚
書省令史除興平軍節度副使應奉翰林文字轉修撰充胡沙
虎帥府經歷坐圍楚州縱兵大掠不諫決杖五十大安初收尸
部員外郎復爲虎西京行樞密院經歷改鈞與威州刺史貞祐
初累遷國子祭酒歷越王與濮王傅平陽府同兼本路宣撫副
使召爲兵部侍郎遷翰林侍講學士元帥左都監轉河平軍節
度使陝西遼東河北西路宣撫副使入爲御史中丞權右副元
帥遼東路行尚書省事賜御衣廐馬安山甲權遼東路宣撫上
京行省叅知政事蒲察五斤奏其功賜金百兩絹百疋典定元

年拜婆速路行尚書省參知政事承制得除刺史以下時蒲鮮萬奴侵掠婆速之境甫五斤入朝遼東兵勢愈弱留江山守肇州亦懷去就參議官伯德胡土遂有異志宣撫使海奴不迎制使坐而受詔阿里不孫械繫之矯稱有詔大赦諸道衆乃稍安胡土與知廣寧府溫迪罕青狗約爲兄弟內忌阿里不孫宣撫蒲察移刺都奏二人不協無使相隸宣宗使召青狗青狗不受詔阿里不孫殺之胡土懷怨乃以兵戕殺阿里不孫權都監納合裕與監軍溫迪罕哥不嚮參議軍事郭澍謀誅胡土未敢發會五斤遣副留守夾谷愛答左右司員外郎抹撚獨魯訥裕計事以謀告之二人許諾乃召胡土至帳中殺之阿里不孫寬厚愛人敏於吏事能治劇要識者以爲用之未盡及是贈平章政事封芮國公授裕左都監進哥不嚮一階遷愛答備魯二官澍

真授東平判官

完顏鐵哥性淳直體貌雄偉粗通書襲父速頰路岳懶合打益安授廣威將軍御下惠愛察廉除臨海軍節度副使改底刺紉詳穩爲丞相襄北征先鋒萬戶有功母憂服除遷武勝軍節度同知克元帥完顏匡副統號平南蓋江將軍攻光化軍王統制引步騎出東門逆戰因擊却之拔鹿角奪門以入遂克其城前驅攻襄陽獲生口知可涉處陰植標以識俟大軍至鐵哥導之畢濟屢戰皆捷以勞進官圍德安總領攻城築壘于南鳳凰臺並城作甬道立鷲車對樓擊走張統制兵時天暑還屯鄧州兵罷遷臨潢府同知改西南路副招討宿州防禦使貞祐二年充樞密使徙單度移刺以鐵哥充都統入衛中都遷東北路招討使兼德昌軍節度使蒲鮮萬奴忌其兵強牒取所部騎兵二千

鐵哥察其有異志不遣宜撫使承充召赴上京命伐蒲與路既
 還適以萬奴代承充據前不發軍罪下獄被害諡勇毅
 納蘭胡魯刺大名路怕魯歡猛安人性淳直寡言笑好讀書博
 通今古登永安二年進士第一除應奉翰林文字被詔括牛于
 臨潢上京等路丞相囊家奴在肇州匿牛不報械正其罪盡括
 所匿自此豪民皆懼使還襄稱其能居父喪盡禮御史舉其清
 節服除轉修撰平章僕散端舉廉能有文采遷順天軍節度同
 知從伐宋以勞加朝請大夫改禮部員外郎歷曹與沃州刺史
 豪民僕散掃合立私渡於定陶籍逃兵盜劫為囊橐累政莫敢
 問胡魯刺悉捕治之窮竟其黨闔郡肅然久之遷南京路按察
 副使貞祐二年改泗州防禦使召為吏部侍郎除絳陽軍節度
 使兵典權河東南路宣撫副使是時兵典胡魯刺完城郭繕器

械料才壯為鄉兵延問耆老招致儒士各以備禦之策儲儲備鹽
 米勸富民出粟郡賴以完賜詔褒論加資善大夫其次子吾申
 改權經略使被召以疾不能行卒于絳州

蒲察世達字正夫泰和三年進士由翰林直學士至左司郎中
 同簽樞密院事遷御史中丞司農卿充益政院官皆稱上意與
 元帥完顏忽土奉迎哀宗至歸德即命知府事行戶部尚書蒲
 察官奴再議率兵北渡女魯權不可遣與都轉運張俊民劉天
 起往陳州督糧運以元帥李琦王堃護之值李順兒亂世達亦
 與脅從尋問道之汴復遇崔立之亂徒步往行在上憫其非出
 得已照舊錄用以為吏部侍郎行六部尚書其年九月蔡城戒
 嚴請論民併收晚田不及者踐毀之恐大兵將至徒以資敵詔
 可時西面元帥把撒合亦挈其家自拔歸蔡與護衛蒲鮮石魯

肅宗御容亦來至上謂二人其一掌兵其一宿衛遇變束手於人曾不聞發一矢今雖來歸待以不死足以示恩不可與世達等量用撤合爲北門都尉錄子本軍都統石魯復充護衛惟天起與唐括招撫咸不屈而死 劉天起本起匹夫初甚庸鄙汴京戒嚴嘗上書于君相願暫假一職以自効每言戰國兵法平章白撒等信之令在景德寺監造革車三千輛天興元年得召見授都招撫使佩以金符同輩皆笑其僥倖及至陳行軍殊有方畧每出戰數立奇功陳人甚倚重之時以多事故贈典不及

石抹仲溫本名老幹與元皆懿州路胡土虎猛安人充護衛十人長太子僕正除武寧軍節度同知宿直將軍器物局使改左衛將軍左副點檢坐征契丹逗遛降蔡州防禦使秦和申特知

臨洮府泰和中伐宋青宜可內附在其管內頗有勞効進爵二級加賜銀幣詔諸事量宜而行已同諸道進兵以隴右步騎五千出鹽川兵罷攻知河中府崇慶初遷陝西統軍使貞祐二年宋人攻秦州率兵敗之仲溫尋充本路安撫使改鎮南軍節度使致仕興定三年卒 石抹元字希明七歲喪父旁無兄弟號泣不食者數日十三復居母喪如成人長補樞密院尚書省譯史調恩州軍事同知遷監察御史復爲淄州同知捕獲劇盜劉奇久爲民患密聞赦至亟杖殺之闔郡稱快改大興府判官沂王府司馬沁南軍節度副使河內民家多美橙歲獲厚利仇家夜殘毀之誣爲劫財賊不可得究得其情爲白其罪尋改河北西路轉運副使累遷河北山東西路轉運副使貞祐初黃擱吾典徵兵東平擁衆不進大括民財衆皆忿怨副統僕撒掃合殺

之於坐取佩其符縱恣尤甚元密疏劾以擅殺近臣無上不道
掃合坐誅貞祐元年移知濟南府到官六月卒生平寡言笑尚
節儉居官自守不交權要人以是稱之

烏古論禮本名六斤益都猛安人充習騎累擢近侍局直長轉
本局副使左衛副將軍坐受克王永成名馬玉帶杖削官職起
爲蒲速碗羣牧副使改武庫署令宿直將軍出爲順州刺史武
寧軍節度使泰和伐宋爲山東路兵馬都統副使罷兵改節安
化軍大安三年兼河南副統軍歷知歸德河南府至寧初改知
太原府貞祐二年兼河東北路安撫使三年充本路宣撫使在
任所行多不法又不肯分兵禦敵爲副使古里石倫奏詔罷
其職頃之太原被圍復起兼左副元帥遣人問道資器書告急
詔發潞州元帥府平陽河中絳蓋宜撫司兵援之四年圍解進

官二階與定三年卒

蒲察阿里典州路人以廕補官充護衛十人長武器署令轉宿
直將軍遷右衛副將軍宋兵犯分道鋪馳驛赴邊伺其入掩以
伏兵敗之改提點器物局從完顏兀伐宋爲副統取宜城縣有
功遷武衛軍副都指揮使大安元年爲南京留守同知累轉壽
州防禦典平軍節度使崇慶初爲元帥右都監明年轉左都城
被圍率師赴援道路梗塞由太原至真定抵中山不克進貞祐
二年移駐大名徵河南鎮防軍圖再舉聚憚於行因言阿里遇
之有厚薄軍變遇害衆因逃散宣宗詔完顏弼安集其軍赦首
惡以下河南統軍司更加撫諭

孛術魯德裕本名蒲刺都隆安路猛安人補樞密院尚書省令
史右三部檢法監察御史遷少府監丞明昌末修北邊濠塹立

堡寨以勞進三階授大理正母憂起復除廣寧治中歷順州濱
州刺史坐前在順州市物虧直遇赦改刺瀋州累官北京路按
察使太子詹事元帥左都監遷左監軍兼臨潢府路兵馬都總
管御史劾其損失士馬隱蔽都統按帶擅率官兵救護家屬逮
獄遇赦謫寧海州刺史稍遷泗州防禦使武勝軍節度使貞祐
二年改知臨洮府事兼陝西路副統軍召爲御史中丞拜大名
行省參知政事兼簽樞密院事行尚書省于大名中都危急詔
發大名河間清滄觀霸河南等兵往救并護清滄糧德裕運發
不以時責授沂州防禦使尋知益都府事興定元年二月卒
烏古論慶壽河北西路猛安人由知把書請充奉御除近侍局
直長至本局使禦邊有勞進一階賜金帶泰和四年遷本局提
點時議開通州漕河詔令按視旣成賜銀幣從完顏匡伐宋

出唐鄧爲先鋒都統賜御弓二以騎兵八千攻下棗陽又遣引
兵五千扼赤岸斷襄漢路與宋兵遇斬首五百級宋將雷太尉
遜去遂克隨州潰宋鄧城樊城戍兵與大軍同渡江圍襄陽匡
表薦謀略出衆遷拱衛直都指揮使汝州南有鴉路舊屯兵四
千其三千在襄城縣去汝州遠離許州僅兩舍請割隸許州從
之八年罷兵遷兩階賜銀幣有疾又賜御藥衛紹王卽位改左
副點檢坐與黃門李新喜題品諸王免死除名久之起爲保安
州刺史歷延安府同知西北西南招討副使棣州防禦使興平
軍節度使貞祐二年遷元帥右都監以保全平州功進官賜金
吐鶻弁重弊遷汴爲右副點檢兼侍衛親軍副都指揮使閱月
知大興府轉知彰德中都危急轉左都監將大名河北并西南
路步騎數萬往救兵潰不加之罰改知大名權宣撫使未幾知

河中府權河東南路宣撫副使四年遷元帥右監軍兼陝西統
 軍使駐兵延安敗夏人于安塞堡戰于鄜州之倉曲谷有功興
 定元年高琪遣往南伐敗宋兵于泥河灣石壕村斬首三千級
 大獲牛馬器械復破宋兵七千於樊城縣既而以軍士多被傷
 奏不以實詔有司鞠問已而釋之歷鎮南集慶軍節度使卒
 未甲臣嘉北京路猛安人襲父謀克隸陝西完顏綱伐宋歷通
 與海州軍事同知貞祐二年除武器署丞救集寧有功遷河南
 統軍判官拱衛直副都指揮使河南治中遷領綏州刺史兼延
 安治中就遷同知改河間興定元年行樞密院于壽州復伐宋
 由壽泗渡淮破宋兵三千於漸湖離斬三百級駐霍丘柘岡村
 縱輕騎抄掠蹂踐宋境焚毀積聚獲宋謀者張聰知宋兵二千
 屯高柳橋其寨兩城環之以水遣聰持 招之不從先令水

軍渡攻之軍士牛青操戈刺門卒皆披靡散去遂登陴大軍繼
 進平其寨而還復遇宋兵數千於梅景村設伏林間誘以步卒
 既至伏發宋兵潰追奔十餘里生擒其將阮世安等五人獲器
 仗甚衆二年賞臣嘉功升職一等遷元帥右都監充陝西行省
 叅議官四年兼金安軍節度使五年改知延安府轉左都監駐
 兵京兆元光元年卒

紇石烈桓端西南路忽論宋割猛安人襲兄銀木可謀克泰和
 伐宋克行軍萬戶破宋兵二千於蔡州加宣武將軍自壽州渡
 淮敗宋步騎萬五千于鷓子嶺遂克安豐軍軍還除懷遠軍節
 度同知權木典紇詳穩大安三年西京行省選充合扎萬戶遙
 授清州防禦同知改與平顯德軍節度副使徙東路宣撫司都
 統敗移剌留哥萬五千衆于御河寨奪車數千輜降萬餘人加

驃騎衛上將軍遙授順天軍節度同知貞祐二年爲宣差副提
控婆速路兵馬都總管同知貞祐二年蒲鮮萬奴叛取咸平東
京瀋澄諸州及猛安謀克人多從之桓端遣都統溫迪罕怕哥
韃擊却其步騎九千餘四月復掠上古城遣都統兀顏鉢轄拒
戰萬奴別遣五千人攻望雲驛都統與屯馬和尚與夾谷合打
破其衆數千于三义里五月都統溫迪罕福壽攻萬奴之衆于
大寧鎮拔其壘而殲之九月萬奴衆九千出宜風及易池桓端
率兵與戰其衆潰去因招唵吉幹等十一猛安復來附釋其丁
男補軍攻城邑之未下者四年遣王汝弼由海道奏事宣宗嘉
其功擢桓端遼海軍節度同知行府事婆速路溫甲海世襲猛
安遷權同知溫迪罕哥不魯顯德軍節度使兼婆速路府治中權
判官前修注裴滿按帶升二等汝弼升四等有功將士皆遷賞

是歲改邳州刺史充徐州界都提控破紅襖賊數萬于黃山賊
復來戰薄其衆走保北山追擊敗之溺死沂水甚衆賊割沂州
防禦同知僕散撒合突圍求救桓端率兵赴之撒合還入沂州
相與內外夾擊殺萬餘人賊乃去僕散安貞奏功言桓端天資
忠實深有計畫曉習軍事撒合勇而有謀皆得軍民心乞加擢
用進桓端金紫光祿大夫兼武寧軍節度同知召爲勸農副使
充都提控屯陳州興定元年自新息渡淮伐宋破沙度店至定
城以少擊衆戰不留行未幾充宣差叅議官復渡淮連破宋兵
獲其將沈俊遷武衛軍副都指揮至都指揮使宋人城守不出
分兵攻其山寨水堡殺獲甚衆二年遷鎮南軍節度使權息州
行元帥右都監敗宋兵于光州并信陽軍遣人獻捷徐州行院
石蓋女魯歡剛復自用詔權簽樞密院事往代之四年冬奏宋

人與李全將併力來攻當預爲之防樞密院召桓端與朝臣面議五年正月至京疾病不能入見賜太醫御藥力疾草奏上防河數策大畧以南北皆用兵當豫防其患遂卒年四十五勅有司給喪事

移刺福僧東北路烏連苦河猛安人以蔭補吏部并樞密院令史調滕州軍事判官歷甄官署直長鹵王府司馬順義軍節度副使聞部內猛安木吞掠民婦女藏之窟室人無敢發福僧跡其所在率衆入索之果得四十三人抵木吞罪徙橫海軍轉開遠軍節度同知簽北京臨潢按察事歷典中府治中莫州沃州刺史上言沿邊軍官私役軍人邊防不治及擾動等事詔尚書省行之大安初復任典中府同知督民繕城浚濠爲禦守計項之兵至攻其北城旣接戰使備其西薄暮果來攻以有備解去

崇寧改廣寧崇寧元年秋被牒如隣郡兵遂薄城其子銅和尚率家奴拒戰城賴以完福僧還悉放奴爲良終不言子之功識者多之未幾充遼東宣撫副使歲饑福僧出沿海倉粟先賑而後奏優詔獎諭至寧元年除鞏王傅兼吏部郎中胡沙虎作難稱疾不出封爲澤王百官皆賀亦不往虎欲罪之被詠而免詔除壽州防禦使貞祐三年遷山東西路按察轉運使久之致仕興定二年福僧上書今兵寡少且無騎兵惟先招徠亂人選擇舊有宿望雄辨者諭以恩信彼若內附然後中都可復遼東可通今西北多虞芻糧調度仰給河南賦役頻繁民力疲弊朔山東殘破羣盜滿野若宋人資以糧餉假以官爵爲患愈大當選才幹官充宣差招捕以恩諭使復業募其壯悍爲兵且宜開宋人講和之端撫定河朔養兵蓄銳策之上也自承安用兵軍中設

蓋戰官論議之間。動相矛盾。不懲其失。反以為法。寧不敗事。書
奏朝廷。略施用焉。元光元年卒。

必蘭阿魯帶貞祐初。以義軍總領累官。寧化州刺史。同知真定
府事。權河北大名宣撫副使。繕完州縣之可守者。其不可守者
遷徙其民。依險為柵。以備緩急。三年。以保全贊皇功。遷授安武
軍節度使。復改昭義軍。澤州舊隸昭義。阿魯帶奏。城郭堅完。器
械俱備。近聞改隸孟州。議遷鎮青蓮寺。山寨距州既遠。地形狹
隘。一旦有急。徒棄名城。以失太行之險。沁南諸州。首問將不復
通。詔乃不更閱月。權元帥左都監行帥府事。遣都統奧屯喜哥
復取威州。及獲鹿。縣朝議。患糧不繼。詔擇義軍為三等。復奏言
其不便。自去歲初置帥府。已按閱本軍。去其冗食。部分既定。上
下相親。故能所向成功。勿經屢試血戰。俱可父子兄弟自相救

援。各顧其家。心一力齊。勢不可。今潞州以北。即為異境。日常
備戰。事勢方殷。一旦分別等第。以挫其氣。將心疲力懈。而不可
用。且義軍率皆農民。近已散歸田畝。趨時力作。徵集旬日。歲計
廢失。乞從本府所定。無輕變易。詔許之。遣守潼關。未幾失守。趨
備藍田商州。行次沔池。遇大兵。被創。收集潰卒。臥病數日。詔復
還潞。興定元年。改簽樞密院事。數月。為元帥左監軍。兼山東路
統軍使。知益都府事。權行省。參知政事。嘗陳河北利害。今忻代
撤戍太原帥府。眾纔數千。平陽行省兵亦不多。河東河北之勢。
全恃潞州。潞兵強。則國家基本漸可復立。朝廷偉其議。因復置
潞州帥府。舉遼州刺史郭文振以為將。及張開代領其眾。與文
振不相能。遂不能守。

幹勒合打蓋州本得山猛安人以廕補官克護衛親軍調陰山

尉縣當兵衝嘗率土豪官兵身先行陣貞祐初以功遷本縣令
縣升爲忠州以充刺史州被兵久耕桑俱廢詔徙其民于太和
嶺南遙授合打太原府同知仍領其衆俄除彰德軍節度使權
河東北路宣撫副使督糧餉往代州合打不欲行與宣撫完顏
伯嘉爭辨恐其聞奏乃先奏伯嘉雅與西京留守同知兼臺州
守完顏琢善徙居代州肆爲侵掠遙授太原治中權堅州刺史
完顏斜烈私離邊面惡臣而自遣往護糧不給兵仗祇使羸卒
數百怒臣復言榜掠幾死臣立功累年頗有寸效伯嘉挾私陵
轢無復宣撫同僚之禮上降詔和解太原兵衝若以私忿廢國
事朕何賴焉自今同心戮力以分北顧之憂無執前非致誤大
計俄改武寧軍節度使御史臺奏乞審正是非若所訴伯嘉是
實安得無罪若果誣言應坐合打欺罔明示黜陟宣宗與宰相

言今正防秋且已數月召爲勸農使久之爲金安軍節度使興
定元年歷知河間府權元帥右都監駐兵蔡息間權同簽樞密
院事守河清改知歸德府事屢守邊要無他將畧雖未嘗敗北
亦無大功元光元年卒

完顏琢本姓程名琢不知何郡人貞祐四年震武節度使完顏
伯嘉奏言西京副統程琢智勇過人持心忠孝以私財募壯士
復取渾源白登有恢復山西之志輒擬琢昭勇大將軍同知西
京留守事兼領一路義軍給以空名勅二十道制可仍賜姓夾
谷氏琢請賜國姓詔更賜完顏氏會伯嘉與韓勅合打有隙因
劾奏琢恃與伯嘉雅善居代州不法狀有詔和解之而行省胥
鼎奏近聞諸隘並無琢兵乃自挈太原之衆剽掠五臺乞徙琢
內地分處其衆以備不測之變宰臣奏遣太原帥府烏古論德

升召琢回奏琢兵數萬分屯代州諸險拒戰甚力且其衆烏合非琢不可制時琢方招降人謀復山西古里甲石倫言其恣爲侵擾雖曰不煩官廩實則攘劫民粟戕殺無辜乞令帥府禁止旣而琢寓軍平定之石仁寨本州提控閻德用素桀驁蓄姦謀州刺史范鐸不能制委曲容庇之典定二年德周率所部掩襲殺琢及官屬程珪等百餘人遂據石仁寨鐸懼挈家奔太原德用乃入居平定州鐸因被誅

蕭察移刺都東京猛安人太子太傅致仕吾迭之子勇健多力充護衛十人長調秦州防禦同知武衛軍鈐轄以憂去起復武器署令從軍兵潰被執貞祐二年與降兵萬餘俱脫歸遷隆安府治中賜銀幣遙授信州刺史有功遷蒲與路節度使兼上京留守同知進三階改知隆安府逾年充遼東上京等路宣撫使

丙閏月就拜上京行省尚書右丞移刺都在任多眚眊殺人與蒲察五斤爭權及賁隆安戰馬擅造銀牌已而矯稱旨召竟赴南京宣宗皆釋不問久乃知河南府改元帥左監軍權左副元帥充陝西行省參議官無何兼陝西路統軍使興定二年改發樞密院事權右副元帥行樞密院於鄧州御史臺奏劾其在軍中買沙覆道盜用官銀矯制收禁書指斥鑿與使親軍守門護衛押宿擬前後衛仗婢妾效內人粧飾等數事詔吏部尚書阿不罕斜不失鞠之移刺都坐誅

木虎筠壽貞祐間爲器物局直長遷副使三年七月工部下開封市白牯取皮治御用鞠仗筠壽以其家所有鞠仗以進因奏白中都食盡陛下遠棄廟社當坐薪懸膽奈何以毳鞠細物動搖民間使屠宰耕牛以供不急之用非所以示百姓也宣宗不

野簡錄 卷二十四 六
擲仗籠中。明日出筠壽爲橋西提控。

烏林答與本名合住大名路。納鄰必刺猛安人。充奉職奉御尚食局直長兼頓舍除監察御史累官武勝軍節度使北京按察轉運使太子詹事武衛軍都指揮使貞祐二年知東平府事權宣撫副使改西安軍節度使入爲兵部尚書上言按察轉運司拘榷錢穀糾彈非違此平時之治法今四方兵動民心未定軍士動見刻削乞權罷按察及勸農使又東平屯兵萬餘可運瀆鹽易糧芻給之潼關及黃河津要將校皆出卒伍類庸懦不可用乞選材勇者代之又充曹濮濬諸郡皆可屯重兵勅州縣官勸民力穡至於防秋則清野保城下尚書省竟不施行又奏新制科買軍器材物稽緩者並的決此令若行有司益嚴督責民將不堪可量罰月俸從之俄坐前在陝州市物虧直降鄭州防

禦使司召爲拱衛直都指揮使復爲兵部尚書興定三年卒

白華字文舉。澳州人。貞祐三年登第爲應奉翰林文字。正大初累遷樞密院奏事官。國制凡密院上下所倚任其職有三。一曰承受聖旨。凡院官奏事或上處分。獨召奏事官付之。多至一二百言。或直傳上旨。辭多者卽與近侍局官批寫。二曰奏事。謂事有區處。當取奏裁者。每嫌辭費。必欲言簡意明。退而奉行。卽立文字。謂之檢目。三曰議事。凡省院官上殿。默記所議事。議定歸院。亦立檢目呈覆。有疑則復稟。無則付掾史施行。其赴省議者。議既定。亦留奏事官與左右司同立奏草。圓覆諸相無同。無異則右司奏上。三者之外。又有曰備顧問。如軍馬糧草器械軍帥部曲名數與夫屯駐地里阨塞遠近之類。及省院一切事務。其職爲甚難。上悅其辭辨。故以華處之。五年秋增築歸德城。擬工

百萬遣往相役見行院李辛語以民勞朝廷愛養之意減工
三之一六年擢樞密院判官一日上召論李全睥睨山東久
必爲患今乘國事稍緩可令忠孝軍總領蒲察定住權監軍率
所統軍并發都尉司步軍萬人以戶部郎中刁璧經歷王仲澤
爲參謀同往沂海界招之不從則以軍馬從事對曰臣謂全特
一猾寇借大兵之勢以要宋人供餽何足介懷所慮與我爭天
下者元耳今元方有事未暇南圖一旦事定必來攻矣爲今計
者姑養士馬以備元使全果有不軌之謀亦當發於元弭息兵
之日上沉思良久令且退容我更思明日遣定住還屯尉氏時
陝西兵大勢已去留脫或樂駐慶陽以擾河朔且有攻河中之
耗而衛州帥府與恒山公府並立慮一旦有警節制不一欲合
二府爲一又恐其不和命華往經畫之諭以向者合喜蒲阿皆

武夫一語不相入便爲齟齬害事非細賴汝調停今衛州之委
亦前日調停之意也既又遣往邠州密諭蒲阿繼候春首當事
慶陽往回六日如期而還上曰我見汝從來凡語及征進必有
難色何今日此舉特銳於平時華曰向日用兵以南征及討李
全之事梗之不能專意於北今日事至於此不得不一舉大軍
入界已三百餘里若縱之令下秦川後必難救終當一戰摧之
與其戰於近裏之平川不若戰於近邊之險隘上然之及慶陽
圍解上奏凡今之計兵食爲急除密院已定忠孝軍及都尉司
馬步軍足爲戰資此外應河南府州亦須簽檢防城軍秋聚春
放依古務農講武之法各令防本處城池以今見在九十七萬
無致他日爲資敵之用七年五月上遣侍局副使七斤傳旨云
朕用汝爲院官非責汝將兵對壘第欲汝立軍中綱紀發遣文

移和睦將帥究察非違至於軍伍之閱習器仗之修整皆汝所職其悉力國家以稱朕意時以得君見妒同輩以語憾之而權院判完顏忽魯刺有口辯上加愛幸朝議以爲罪天興元年因河中府破京城被攻併樞密院歸尚書省以宰相兼樞密左右司首領兼經歷官遂皆退罷十二月朔上遣近侍局提點曳刺粘古卽華所居問事勢華附奏百姓耕稼已廢糧斛將盡車駕當出就外兵遣使告語北朝我非他處收整軍馬止以軍卒擅誅唐慶遂絕和議今付皇兄荆王使之監國任其裁處乞我一二州以老如此則太后皇族可存聖主亦得少寬矣乃復起二人爲右司郎中召諭之曰親巡之計已決但所往羣議未定華言歸德城雖堅久而食盡坐以待斃決不可往欲沿西山入鄧又汝州有速不解斷不能往以今日事勢止有背城力戰與之

一決外則可以激三軍之氣內則可以慰都人之心或止爲避遷之計人心顧戀家業未必毅然從行可詳審之時平章禾速嘉兀地不元師猶見高顯王義深俱主歸德之議丞相賽不主鄧議竟不能決明日集軍士於大慶殿諭以京城食盡上擬親出諭訖合辭奏曰聖主不可親出止可命將三軍欣然願爲國家効死上採輿議欲以官奴爲馬軍帥顯爲步軍帥劉益副之三人者亦欲奉命權參政訛出大罵云汝輩把鋤不知高下國家大事敢易承耶衆默然丞相言前日巡守之議已定止爲一白華都改却今往汝州就軍馬索戰去矣遂擇日祭太廟誓師擬以二十五日啓行是月晦車駕至黃陵岡復有北幸之議時所在父老僧道獻食及牛酒犒軍者相屬上親爲撫慰人人感泣乃赦河朔招集兵糧條畫赦文十餘款分道傳送十五日宰

弘簡錄 卷二百四十一
相與諸帥共議上欲與李左丞郎中忽魯刺先下歸德令諸軍
並北岸行至鳳池渡河夜半遂擁帝登舟軍資一切委棄止令
忠孝軍上船餘悉隨軍用大軍覺之兵遂潰時粘古之兄瑗為
鄧州節度使兼行樞密院事華欲召鄧兵入援既至以事久不
濟淹留于館會瑗以鄧歸宋華亦從至襄陽宋署華為制幹又
改均州提督與范用吉殺均之長吏送欵于元因而北歸時議
貶其夙儒貴顯國危不能以義自處聲名故掃地云 移刺瑗
字廷玉本名粘合世襲契丹猛安累功鄧州便宜總帥既至襄
陽使更姓名稱歸正人劉介令具將校禮謁制使瑗大悔恨明
年三月疽發背死 范用吉者本姓字本魯名久住初入宋謁
制使趙范將以計動其心故更姓名范用吉趙怒其觸諱斥之
久之方悟且利其事與已符遂擢置左右凡所言動略不加疑

復易其姓為花使為太尉鎮均州歸北後為家人誣以欲叛被
害

徒單兀典資性深刻好以大白居多設親昵為耳目凡諸官屬
及民家細事令日報之務為不可欺累官武勝軍節度使駐鄧
州尋遷中京留守知金昌府事駐洛陽二城皆其所築且招亡
命千人號熊虎軍以剽掠南鄙為事宋人亦時時報復邊民為
之騷動正大間為兵部尚書權徐州行省叅知政事自恃得君
論議之際不少假貸同列皆畏之天興初大兵入饒風移兀典
行省闔鄉以備潼關復召入援與潼關總帥納合合潤秦藍總
帥完顏重喜高平都尉苗秀振武都尉張翼及虎威鷹揚葭州
劉趙二帥軍十一萬騎五千從號入陝遣陝州觀察副使兼規
劃轉運抹撚速也往運同華陝石一帶軍糧行及靈寶北河夾

灘義軍張信有三集壯士三百餘，魯老幼立木柵，北將忽魯罕只攻之，不能克，遇速也船至，卽降。大兵乘之，遂破侯張，殺戮殆盡。兀典發闕鄉庫藏拜天賞軍日，造銀器及兵幕牌，印有李先。生者諫曰：方今大兵俱在河南，河北空虛，相公可出其不意，先取衛州。彼知我軍在北，必分兵北渡。京師卽得少寬，相公入援亦易爲矣。兀典大怒，謂泄軍機，遂斬之。時陝州同知內族探春從行，省征進兀典，授以帥職，聽招在城民充軍，宣差趙三三名，偉者亦依探春招募，不二日得軍八百餘，號破敵軍。兀典忌偉得衆，欲挾詐坑之。完顏素蘭力諫乃止。尋以偉權典寶軍節度使，兼行元帥府事。軍士各以老幼自隨，遷避商賈倚仗，兵力亦從之。行婦女皆強娶之，忽值大雪，卽日劉趙兩帥叛去。明日翼軍叛北，兵皆追及降之。隨軍婦女棄擲幼稚，哀號盈路。軍至鐵

嶺，遇北軍從洛陽西過，盧氏方燒廬舍，焚積聚，慮爲所據，反守。鐵嶺以斷歸路，然已數日乏食，困憊不支，重喜先降，斬於馬前。鄭侗劫苗英降，不從，殺之，携其首以降。士卒從而大潰。兀典合問提數十騎走山間，爲追騎所擒，皆被殺。安平盪寇鷹揚振威諸都尉及西安金鷄等軍脫走者百纒。一二時徒單百家爲關陝總帥，便宜行事，皆撫納之。漸及萬人，出值買所棄甲仗軍威。稍振。五月，總帥副點檢顏蓋復立商州華州人王某立魏州權。刺史七月復召百家入，授代以權。西安軍節度使行元帥府事。阿不罕奴十刺九月鞏昌知府元帥完顏忽斜虎入陝州，詔拜行尚書省叅知政事，復立山寨安撫軍民。十月朔，又召忽斜虎赴南陽，留山寺代以金安軍節度使。奴十刺時趙偉爲河解元帥屯金鷄堡，隸陝西行省。月給糧，贖明年五月麥熟，省劄令偉

計置兵食權罷月給十月偉軍食盡屢白陝省無糧可給因自
往永寧勸諭小民往往獻糧或導其發南縣窖藏把隘軍提控
言於行省遣趙提控者權元帥守永寧元村寨偉乃還十一月
冬至大兵攻破其寨密遣總領王茂乘夜殺北城邏卒舉號召
偉軍八百渡河適值奴十刺宴飲不設備踰城而上殺行省以
下官屬二十一人反誣奏奴十刺等謀反朝廷知其寃而莫敢
詰就授偉元帥左監軍兼西安軍節度使行總帥府事食盡括
粟又盡以明年三月降于元同時遇害 張升字進之大同人
戶工部令史出身由漁陽縣簿遷絳州錄事參軍自言我本小
人受國家官祿今日遭此不幸我不能從反賊言訖赴水死岸
上數百人皆嗟惜之及徒單百家鄭西之敗單騎闢道入京為
上言鐵嶺敗狀於是籍重喜家貲暴兀典為罪首勝之通衢

弘簡錄卷二百四十二

刑部員外郎仁和弘濟邵經邦學
皇清翰林院侍講學士四世孫遠平校閱

載記 金忠節一

胡沙補 徽八特虎雅 酬幹 僕忽得 粘割韓奴 祁宰

溫迺罕蒲睹 移室懋 訛里也 納蘭綽赤 曹 伯德梅和尚 魏全

鄯陽 石古乃 徒單航 黃 夾谷守中 石林元毅 子世

王維翰 高守約 和速嘉安禮 移刺古 與涅 張順 齊鷹揚 楊敏中

烏古論仲溫 烏古論榮祖 王勝 李演 劉德基 王毅

木甲法心 九住 完顏承暉 高霖 烏林蒼乞住

馬驤 字木魯福 壽吳那傑 吳僧哥 完顏從坦 李革

胡沙補完顏部人年三十五從軍頗見任用時太祖初起畏遼

弘簡錄 卷二 四十一
兵使僕刮刺往遼國。以索阿疎爲名。實觀形勢。僕刮刺還言遼兵多不知其數。太祖疑曰。彼初調兵。豈能遽集。再遣胡沙補往還報。惟四院統軍司與寧江州軍語。以人言汝輩且反。故爲備耳。及行道中。遇渤海軍八百人。向之笑。且言汝輩真亂者耶。太祖喜曰。果如吾言。胡沙補因勸太祖。今舉大事。不可後時。若俟河凍。則遼兵盛集。必來攻伐。宜乘其未集而蚤伐之。可以得志。太祖深然之。從破寧江州。戰于達魯古城。與特虎皆有功。賜以旗鼓。并御器械。高永昌遣撻不野杓合。以幣馬來求援。願併力取遼。太祖使胡沙補撒八往諭曰。同力取遼。固可。東京近地。汝輒據之以僭大號。可乎。若能歸欵。當處以王爵。及永昌使係遼籍。女直胡突古來請還。所俘渤海人。太祖怒其表辭不遜。命幹魯進兵。永昌遂殺二人。皆支解之。胡沙補就執。神色自若。罵永

昌曰。汝叛君逆天。今日殺我。明日及汝矣。至死罵不絕口。時五十九天會中。俱贈遙鎮節度使。特虎雅撻。瀾水人。軀幹雄偉。敢戰鬪。達魯古城之戰。活女已陷。敵急救出之。復攻照散城。先登。敗遼兵三千。攻盧葛營。麻吉。臺馬。奮前獨殺遼兵數輩。掖而出之。屢獲賞賚。後從太祖。自臨潢。班師至遼河。余睹來襲。婁室已引去。特虎獨殿。馬憊步鬪不止。力又盡。遂没于陣。皇統間。贈明威將軍。

酬幹與僕忽得。皆宗室子。酬幹魁偉善戰。年十五。隸軍中。多見任用。初以兵五百。敗室韋。俘獲甚衆。僕忽得初事撒改。伐蕭海里。有功。二人俱招降。燭俛水部族。以酬幹爲謀克。僕忽得領行軍千戶。從破黃龍府。戰于達魯古城。皆有功。其破寧江州。追復叛者。渤海乙寒。補酬幹。又率濤溫路兵。招撫三坦石里狼跋。苦

三水鼈古城邑皆降之天輔五年因往鼈古河籍軍馬燭俛水部實里古達等殺二人投其尸水中俱年四十三太祖以皆死於國事深為悼惜遣使弔賻加等六年詔幹魯求得三人尸以葬天眷中贈酬幹奉國上將軍僕忽得昭義大將軍粘割韓奴以護衛從宗弼征伐賜鎧甲弓矢戰馬皇統四年回紇遣使入貢言耶律大石與其國相鄰詔加韓奴武義將軍遣與其使俱往因觀其國風俗去後聲問絕不復聞大定中回紇移習覽三人至西南招討司貿易自言本國粘拔恩君長撒里雅寅特斯率康里部長孛古及戶三萬餘求內附乞納前大石所降牌印收受本朝牌印詔西南招討司遣通事禿里余睹并阿魯帶至其國見撒里雅得其歸願實意因加慰問其言往年大國嘗遣粘割韓奴自和州往使大石既入其境大石方適野

與韓奴相遇問汝何人敢不下馬對曰我上國使奉天子之命來招汝降汝當下馬聽詔大石曰汝單使來何所取信令人猝下使跪韓奴罵曰反賊天子不忍於爾加兵遣來招汝爾縱不能面縛請罪闕下亦當盡敬天子之使乃敢反加辱乎大石怒而殺之此時大石林牙已死子孫相繼西方諸部仍以大石呼之余睹阿魯帶還奏世宗嘉其奉使萬里不辱君命能盡臣節贈昭毅大將軍遷其子永和縣商酒都監詳古為尚輦局直長加武義將軍汝州巡檢婁室為武器署直長

祁宰字彥輔江淮人宋季以醫術補官因破汴得之以隸太醫累遷中奉大夫太醫使海陵在位數被賞賚常感激欲自效會將伐宋宰欲諫不得因元妃有疾召往診視既入見卽上疏其畧言國朝之初祖宗以有道伐無道曾不十年蕩遼戡宋當此

之時。上有武元文烈英武之君。下有宗翰宗雄謀勇之臣。然猶不能混一區宇。舉江淮巴蜀之地。以遺宋人。况今謀臣猛將。異於曩時。各安土宇。師出無名。加以大起徭役。營中都建南京。繕治甲兵。調發軍旅。賦役煩重。民人怨嗟。人事不修。天時不順。聞者星晝見於牛斗。熒惑伏於翼軫。已歲自刑。害氣在揚州太白。未出進兵者。敗兼以地利不便。舟師水涸。舳艫不繼。江湖島渚之間。騎士馳射。不可驅逐。言甚激切。海陵怒命戮於市。籍其家產。天下哀之。仍杖其壻。綦戩以奏。疏乃戢爲之。實不知也。因召禁中諸司局官。至咸德門。諭以殺宰事。世宗卽位。贈宰資政大夫。復其田宅。章宗諒訪其子忠勇。校尉平定州酒監公史擢尚藥局都監。泰和初。詔定功臣謚。有司拘文以職。非三品不在議謚之例。尚書省掾李秉鈞上言。事有宜緩而急。若輕而重者。名

教是也。伏見當海陵時。居高官。食厚祿者。不爲無人。皆畏罪。與忍。曾不敢申一喙。畫一策。以爲社稷計。卒使立名死節之士。顧出於醫卜之流。亦可以少懼矣。夫有非常之人。當待以非常之禮。乞詔有司。特賜謚以旌其忠。斯亦助名教之一端也。制可下。太常謚曰忠毅。

溫廸罕蒲睹與移室懣俱速頰屯懣歡春人徙上京。忽論失懶蒲睹爲兀者羣牧使契丹。撒八反。諸羣牧皆應之。蒲睹獨結廸翰羣牧使徒單賽里副使赤盞胡失荅歐里不羣牧完顏朮里骨副使完顏辭不失。卜廸不部副使赤盞胡失賴速木典。廸詳穩加古買住胡睹。廸詳穩完顏速沒葛轄木廸詳穩高彭祖等。陰爲之備。選家奴材勇者。給以兵仗。賊不得發。佯爲降服。隨設計。給諸奴官閱兵仗。願借以應。諸奴信以爲然。明旦賊至。遂無

以禦賊執蒲睹問曰今尚能反未荅曰家世受恩子姪皆仕宦不能從汝反累吾族也賊怒斃而殺之時子與孫與前諸羣牧詳穩皆遇害移室懣性忠正強毅善騎射膂力過人以兄本輩國初有功授世襲謀克皇統初遂襲兄職積戰功為洮州刺史兄子幹魯古巴長讓還之宗弼以為難改刺貴德州歷移典乳詳穩烏古里部族節度使改德昌軍會正隆南伐泰州猛安定遠阿補以所部叛還與七謀克執之勒其眾以付大軍契丹反率數千人殺賊萬餘于伊改河以功遷臨潢尹世宗卽位子姪安遠幹魯古斜普兄弟咸具甲仗往迎賜以手詔令招白彥敬紇石烈志寧其家皆在南京恐或遷去兼起異謀并招誘都監老和尚不知朕已卽位卿可使人往諭如來降悉令復舊邊關之事可設耳目時窩斡已反領兵數萬來攻諸路軍尚未至獨

守城士六百邀擊凡數接戰勦殺甚眾所乘馬中流矢而仆為賊所執使人諭以爾生死在頃刻能往招城中出降官罰如故不然殺汝移室懣怒罵曰我受國家爵祿肯從汝叛賊乎迫脅至城下其妻子官屬將士皆登城臨望向前厲聲曰賊無能為我恨軍少不能滅賊人生會有一死汝輩慎勿降毋以我故敗國家事賊怒殺之 又契丹人訛里也為尚廐局直長應奉翰林文字使招諭窩斡叱令跪見不從曰我朝廷使豈可屈節於汝汝等早降可全性命若大軍至汝輩悔將何及賊怒曰汝本我族類不早從我敢出是言亟害之從行驍騎軍士圍孫史大習馬小底頗荅皆被害大定三年同贈宣武將軍各錄其子餘皆贈修武并忠翊校尉

納蘭綽赤咸平路伊改河猛安人契丹括里將入使人招之不

從兵至綽赤團結旁近村寨爲兵。出家馬百餘匹。給之教以戰陣。擊刺之法。相與拒于改渡口。由是賊衆月餘不得進。旣而兵四萬大至。衆寡不敵。遂見執。鬻而殺之。詔贈官兩階。二子皆得廕。曹珪。徐州人。大定四年。州人江志作亂。珪子彌在賊黨中。珪謀誅志。并弼殺之。尚書省議當補二官。雜班。纒上以所奏未當。詔珪赤心爲國。大義滅親。自古罕聞。更進一官。正班用之。伯德梅。和尚。秦州人。性鯁直。尚氣節。正隆五年。收充護衛。卡人長累授曷魯。枕草牧。并尚鹿局副使。遷本局使。轉右衛將軍。拱衛使。典尚廐十餘年。出爲復州刺史。明昌初。由西北路副招討。升秦州防禦武勝軍節度使。六年。移崇義軍。時有事北邊。行省夾谷清臣。檄爲臨潢副統。會敵入。暨護衛關合土等領軍逆擊。直搗敵陣。殺傷甚衆。敵知孤軍無繼。聚兵圍之。度不能免。乃下

馬相背射。復殺百餘人。矢盡。猶以弓提擊。爲流矢所中。與關合土等皆沒。上聞之。震悼。詔贈龍虎上將軍。躡遷十階。賜錢二十萬。命以禮葬之。以其子都奴爲軍前猛安。中奴護喪。差同知臨潢府李達。可勅祭使。同知德昌軍石抹和尚。爲勅葬使。上諭梅和尚死。王事命其子都奴爲典署丞。

魏全。壽州人。泰和六年。宋李爽圍壽州。刺史徒單義盡籍城中兵民及部曲。廝役得三千餘人。隨機拒守。義善撫御。得衆情。婦人皆樂爲用。同知滿烈古中流矢卒。義益勵不衰。募人往砍爽營。全在選中。爲爽兵所執。至死罵不絕口。僕散揆遣河南統軍判官乞住及買哥等以騎二千。人救壽州。與爽兵遇。乞住分兩翼夾擊。梁義出兵應之。爽兵大潰。斬首萬餘級。赴淮死者甚衆。爽與其副田林。僅脫身走。詔遷義防禦使。乞住同知武昌軍節

度使事買哥河南路統軍判官贈蒲烈古昭勇大將軍贈魏全
宣武將軍蒙城縣令封其妻爲鄉君賜錢百萬俟其子至十五
歲收克八貫石正班局所贈官蔭以全節送史館鏤諭天下
鄩陽者係宗室子爲符寶祗候完顏石古乃爲護衛十人長至
寧元年八月紇石烈執中作亂入自通玄門是日變起倉猝中
外不知所爲鄩陽石古乃往天王寺召大漢軍五百人赴難與
執中戰於東華門外執中兵衆大漢軍少須臾殺五百人殆盡
執中死詔曰護衛石古乃校尉鄩陽忠孝勇果沒于王事石古
乃贈鎮國上將軍順州刺史鄩陽贈宣武將軍順天軍節度副
使嘗從拒戰猛安謀克散軍遷賞有差沒者贈賞其家石古乃
子給八貫石俸俟年十五以聞
徒單航一名張僧父號九駙馬至寧元年胡沙虎弑逆降航爲

安州刺史會北兵大至城下聲言都城已失守汝可速降航謂
其民曰城守雖嚴萬一攻破汝輩無孑遺矣我家兩世駙馬受
國厚恩決不可降汝輩計安出乃盡以家財犒軍民皆盡力備
禦又五日航度城不可支乃先縊其妻孥謂家人曰我死卽撤
屋焚之遂自縊死城破軍民猶力戰曰太守旣死我輩不可獨
降死者甚衆 黃摑九往臨潢人以蔭補令史調安肅州軍事
判官明昌四年轉大理執法出爲薊州軍事同知累遷潞王府
司馬河東北路按察轉運使改知彰德府事遇元兵戰歿贈榮
祿大夫南京留守仍錄用其子孫

夾谷守中咸平人本名阿土古大定二十三年登第歷清池聞
喜二簿尚書省令史刑部主事監察御史修起居注轉禮部員
外郎大名治中歷嵩涿北京臨洮路按察副使以憂起復曷懶

路兵馬都總管同知坐事謫韓州刺史尋復平涼府同知大安
二年爲秦州防禦使遷通遠軍節度使夏兵數萬入鞏州乘城
備守兵少不能支城陷官吏盡降獨守中不屈夏人壯之且誘
且脅其志益堅遂載而西至于涼要以招降府人佯許之至城
下卽大呼曰外兵矢盡且遁慎勿降夏人交刃殺之興定元年
監察御史郭著以聞詔贈資善大夫東京留守仍收其子兀母
爲筆硯承奉

石抹元毅本名神思咸平府路酌赤烈猛安莎果歌仙謀克人
往沈厚武勇過人每讀書見古人忠義事未嘗不嗟歎賞慕喜
動顏色初廕補吏部令史調景州寧津令有劇盜白晝恣劫爲
害元毅以術防捍賊散去入爲大理知法除亳州防禦同知省
檄錄陝右五路刑獄無冤人復委受宋歲幣却故事私遺物明

昌初召爲大名等路提刑判官以最遷汾陽軍節度副使時嵐
石間賊黨嘯聚肆行剽掠朝廷命捕之賊畏而遁追襲盡殪之
二境以安遷武勝軍節度同知訊別郡殺人者屢鞫不伏不數
語具服之河東北路田多山坂硯瘠舊定爲上賦民力久困至
是命相地更賦乎以三壤法民賴其利改彰德府治中承安二
年北邊有警授撫州刺史會邊將失守芻糧馬牛焚掠殆盡方
率吏卒出州數里經畫軍餉猝遇敵號令其衆上前力戰敵去
而復合猛氣愈厲射無不中久之衆寡不敵元毅遂遇害年四
十七事聞上驚悼贈信武將軍收克其子世勣侍儀司掌執五
年登詞賦經義兩科進士奏名之日上與宰臣歎賞者久之
世勣字景略幼勤學爲文有體裁貞祐三年累官太常丞預講
議所事上言徙河北軍戶議給以荒閑之田及牧馬地其始耕

費力當倍一歲尚不能熟若奪民素蔭者與之彼此夫所且
啓不和之端况軍戶率無耕牛彼旣南來所捐田宅爲人所有
一旦北歸能無爭奪切謂宜令軍戶分人歸守本業收其晚禾
至春復還爲固守計上悟乃罷之未幾遷金安軍節度同知興
定二年華州元帥完顏合達令世勣副前平涼同知卓魯回蒲
乃速爲參議官上謂蒲乃速但能承奉人餘無所長非如世勣
可任以事且華爲要鎮而輕用其人或致敗事遂獨用之尋爲
左司郎中每以畏避繁劇私囑治籍吏冀改他職奪官解任元
光元年起爲禮部侍郎轉司農并太常二卿正大申爲禮部尚
書兼翰林侍講學士天興元年冬哀宗將北度世勣率朝官劉
肅田芝等二十人求見仁安殿上曰我不出軍分爲二一軍守
一軍出戰我出則軍合爲一世勣曰陛下出則軍分爲三一守

一戰一軍護從不若不出爲愈上曰卿等不知朕若得完顏
仲德恒山公武仙付之兵事何勞親出今日惟官奴統馬軍三
百劉益將步兵五十欲不自將得乎乃涕泣指所坐御榻曰朕
此行豈復有還期但恨朕未嘗奢侈并信任小人世勣應聲曰
若小人亦有之上問謂誰因與肅等悉數移刺粘古溫敦昌孫
兀撒惹完顏長樂數人惟陛下不知所以用之遂命從行自蒲
城至歸德明年次新蔡縣之姜寨遇其子嵩時爲縣令拜於馬
前上喜其父子遭亂後始相見授嵩應奉翰林文字嵩字企隆
興定二年經義進士蔡城破父子俱死
王維翰字之翰利州龍山人父庭遼季率縣人保縣東山後以
衆降維翰好學不倦與高守約和速嘉安禮俱登大定二十八
年進士調貴德州軍事判官察廉遷永霸令縣素健訟豪猾嘗

設事陳訴維翰窮究杖殺之俗始衰息歷弘政獲嘉令佐胥持國治決河有勞改北京轉運戶籍判官補尚書省令史除保靜軍節度同知檢括戶籍一郡稱平屬縣有奴殺主反誣其弟微行物色盡得奸狀奴遂引服改中都轉運副使歷侍御史左司員外郎從僕散揆伐宋爲行省左右司郎中久之遷大理卿兼潞王傅同知審官院事大安初權右諫議大夫轉運使中丞歷工刑二部尚書拜參知政事貞祐初罷爲定海軍節度使阻山浮海至鎮且無兵備孤城不可守鄰郡皆望風奔潰乃縱百姓避難獨率吏民願從者奔東北山結營堡自守力窮被執與妻姚氏皆不肯屈俱死贈中奉大夫妻芮國夫人諡貞潔高守約字從簡遼陽人累官觀州刺史貞祐元年元兵徇河朔郭邦獻已歸順從至城下呼守約當計全家室守約弗顧至再三乃厲聲曰吾不汝識也城破被執使之跪不屈遂死詔贈崇義軍節度使諡忠敬

和速嘉安禮字子敬本名酌大名潁悟博學淹貫經史至寧末爲泰安州刺史山東被兵郡縣望風而遁有勸之曰此孤城耳內無糧儲外無兵援不去將無遺類矣答曰我去城誰與守我不忍避難負國家恩益團練民兵繕完城郭爲禦守計與元兵戰旬日不能下城破被執初亦不識爲誰或妄以酒監對自言我刺史也何以諱爲使之跪不屈以戈撞其脅而殺之詔贈泰定軍節度使諡堅貞及破密州安化軍節度使移刺古與涅率兵力戰流矢中其頸拔去復中其頰死焉贈安遠軍節度使知益都府

張順本淄州士伍時州被圍行省侯摯遣總領王庭玉將兵救

之募順等三十人往覘兵勢且欲令城中知援兵至乘夜潛至城下爲敵所執使宣言行省軍敗績庭玉亦死宜速降順陽爲許諾旣乃嘆曰得爲忠孝鬼足矣呼曰外兵無多王提控軍且至堅守毋降兵刃交下遂死淄人知救兵至以死堅守城賴以完後贈宣武將軍棣州防禦同知詔有司給養其親且訪其子孫優加任用及貞祐初元兵復取淄州時軍事判官齊鷹揚與屯留縣尉致仕楊敏中淄州民張乞驢募兵備禦城破三人率衆巷戰劄甚被執欲降之不肯屈伺守者稍怠卽起奪槊殺數人而死事聞詔贈鷹揚嘉議大夫淄州刺史敏中昭勇大將軍橫海軍節度同知乞驢宣武將軍淄州軍事同知同立廟以時致祭焉

烏古論仲溫本名胡刺蓋州按春猛安人大定二十五年進士累官太學助教應奉翰林文字河東路提刑判官御史薦其稱職轉河北東路轉運副使歷順天武興軍節度同知上京東京等路按察司簽事復奏曠職改提舉肇州漕運同知鎮寧軍節度副使轉東勝與滑州刺史累遷河東南路按察副使壽州防禦使貞祐初遷鎮西軍節度使時中都被圍約以鄉兵赴救移書安撫使賈益謙同會于絳抵平陽不能進仲溫嘗治平陽吏民爭留之語曰平陽巨鎮易爲守禦荅以於私計得矣如嵐州何遂還鎮已而元兵大至城破不屈而死贈資德大夫婆速路兵馬都總管諡忠毅歲時致祭

烏古論榮祖本名福興河間人與王晦俱登明昌二年進士歷補尚書省令史除都轉運司都勾判官轉弘文校理升中都總管府判官察廉除震武軍節度副使彰德府司馬累遷戶部員

外郎寧海州刺史貞祐二年城破力戰死之贈安武軍節度使
賜諡毅勇王晦字子明澤州高平人少負氣慕張詠爲人調
長葛主簿有能聲察廉累除遼東北京兩路轉運司都勾戶籍
判官遷安陽令陝西西路按察簽事改平涼治中召爲少府少
監至戶部郎中俾募死士萬餘衛送通州粟入中都有功遷霍
王傳薦舉將才使守順州通州圍急晦攻牛欄山以解之賜資
優渥就加翰林侍讀學士并勸農使九月順州受兵晦有別部
屯于滄景乃突圍召之主者不肯發故部王臻免胄出見且拜
曰事急矣何爲自苦苟能相從可不失富貴晦曰朝廷何負汝
耶臻曰臻雖負國不忍負公因泣下晦叱曰吾年六十致位三
品死則吾分詎從汝耶將射之臻掩泣而去無何將士縋城出
降晦被執謂其愛將牛斗曰若能死乎斗曰蒙公見知安忍獨

生皆不肯降因併見殺詔贈榮祿大夫樞密副使命有司立碑
歲時致祭錄其子汝霖爲筆硯承奉

李演字巨川任城人泰和六年進士第一除應奉翰林文字居
內外艱任城被兵濟州刺史召以墨衰盡守禦策召集市人爲
兵搏戰三日衆不能戰悉逃散演遂被執大將知其名問曰汝
非李應奉乎荅曰是也撫以好語許之官祿辭曰我本書生官
祿自致何利於人大將怒捽之跪不聽擊折其脛曳出害之時
年三十餘贈濟州刺史詔有司特爲立碑又大興人劉德基
王毅俱登經義進士德基守官邊邑夏兵攻城積薪廳事之傍
語家人曰城破卽焚我未幾果破家人不忍縱火遂被執脅使
跪降不屈同僚給曰此人素有狂疾故敢如此爭曰爲臣死忠
理當如此吾豈病狂者耶夏人壯之因繫諸獄冀其改圖始終

弘簡錄 卷二百四十一
無變遂害之贈朝列大夫通遠軍節度同知 王毅累官東明
令元兵圍急率民拒守城破猶拒戰力窮被執與縣人願戰者
王八等四人同驅郭外先殺二人王八卽前跪將降毅以足踏
之厲聲曰忠臣不佐二主汝乃降乎驅毅者以刃斫其脛竟不
屈而死贈曹州刺史

木甲法心薊州猛安人官至北京副留守貞祐二年爲提陞與
順州軍事同知溫迺罕咬查刺俱守密雲縣時因多故留家屬
薊州元兵得之以示曰若速降當以付汝否則殺之蓋言吾事
本朝受厚恩戰則速戰終不能降豈以家人死生爲計耶城破
死于陣咬查刺被執亦不屈而死又盤安軍節度判官蒲察紇
舍與雞澤縣令溫迺罕十方奴同守薊州衆潰而由二人死之
詔贈法心開府儀同三司樞密副使封宿國公咬查刺鎮國上

將軍順州刺史紇舍金紫光祿大夫十方奴鎮國上將軍並薊
州刺史 同時宗室子九住平時嘗誓以死報國不恤其家及
爲武州刺史元兵取其家屬抵城下語之曰山東河北今皆降
我汝早降全其家屬遲卽殺之九住不顧城破與軍事判官唐
括孛果速力戰不屈而死詔贈九住臨海軍節度使驃騎上將
軍孛果速建州刺史鎮國上將軍與前俱令樹碑歲時致祭
完顏承暉字維明本名福興好學淹貫經史襲父益都尹鄭家
塔剌剌訛沒謀克大定十五年選充符寶祇候遷筆硯直長調
中都右警巡使章宗爲皇太孫選充侍正卽位進近侍局使嘗
夜詔開宮門召孝懿皇后妹夫吾也藍承暉不奉詔明日奏吾
也藍得罪先帝不可召上善之未幾遷兵部侍郎兼右補闕選
除東京延平等路提刑副使豪猾屏息改上京留守同知歷臨

海利涉遼海三軍節度使至北京路提刑使知延平臨潢二府副李東陽爲北京留守東陽素驕貴自非公事不與交一言召爲刑部尚書兼知審官院駁奏平章徒單鎰甥余里痕都以蔭得官別無才能前爲大陽渡譏察纔八月擢惠民司都監已爲太優今乃超授隨朝八品織染署直長多涉物議上召鎰深責之尋知大興府權貴頗不樂復改知大名府雨潦害稼爲決引潦水納之濠隍伐宋遷山東路統軍使會有盜起奏猛安謀克以下皆得權行的決俟事定依例奏聞俄招降賊魁餘黨潛匿泰山按察使請刊除林木深入勦捕奏以五岳之宗不宜擅伐矧齊人易動驅以入山海之使盜議遂寢改知興中府衛紹王立召爲御史大夫拜參知政事駙馬徒單沒烈與其父南平干政事大爲姦利而質其非俄進宣德行省尚書左丞坐參政承

裕敗績于會河堡除名至寧元年起爲橫海軍節度使貞祐初召拜尚書右丞卽日入朝妻子留滄州城破皆死胡沙虎伏誅拜平章政事兼都元帥封鄒國公中都被圍遣出議和遷汴進右丞相金紫光祿大夫徙封定國公與皇太子留守中都頃之太子去蒲察七斤以其軍出降城中皆無固志承暉以死固守恐不能持久遣人間道以礬寫奏若一失中都遼東河朔皆非我有諸軍倍道來援猶冀有濟詔乃趣諸路兵糧俱往赴救高琪忌其成功所遣左監軍刑部侍郎阿典宋阿右都監真定女奚烈胡論出行六部尚書侯摯往來顧望終無一兵至者隨聞抹撚盡忠謀向南奔亟召帥府經歷完顏師姑問曰始我謂盡忠知兵故推赤心相托嘗許與我同死今忽異議社稷若何師姑不能對此下斬之承暉起辭家廟召左司郎中趙思文語之

日事勢至此。惟有一死可以報國。作遺表付本省令史師安石引咎自歸。論國家大計。辨君子小人治亂之本。歷指高琪賦性陰險。報復私憾。竊弄威柄。包藏禍心。終害國家。盡出財物隨家人年勞多寡分之。各與從良。皆號泣不敢仰視。徐仰藥死。貞祐三年五月二日也。宣宗聞之。設奠於相國寺。哭之盡哀。贈開府儀同三司太尉尚書令廣平郡王諡忠肅。前妻子已死。以從兄子歷亭縣丞永懷爲後。錄爲器物。直長孫撒速爲奉御。承暉生本貴侈。居常類寒素。於五經皆經師授。謹守而力行之。不爲虛文。師法司馬光尚友蘇軾。每置三人像於書室。平章完顏守貞素敬之。與爲忘年交。同時兵馬都總管高霖。字子約束。平人大定三十五年進士。調符離主簿。察廉。遷泗水令。安國軍節度判官。父憂。還鄉教授。生徒恒數百人。服除。改絳陽軍。薦爲國

史編修。建言黃河所以爲民害者。皆以河流有曲折。適逢隘狹。故致湍決。今若開雞爪河以殺其勢。可免數埽之勞。凡捲埽工物。皆取於民。大爲時病。乞並河隄廣樹榆柳。數年之後。隄岸旣固。埽材旣便。民力漸省。朝廷從之。遷應奉翰林文字。改監察御史。母憂。起復太常博士。改都水監丞。至少監陝西路按察簽事。體訪官員能否。凡因南征調發稽滯失誤軍期者。皆言其枉出之大安初。爲耀州刺史。三年。遷河北東路按察副使。改韓王傅兼翰林直學士。崇慶初。拜工部侍郎。至寧元年八月。霖奉儲猗。迎宣宗至新城。勅遣南迎諸妃。旣至。賜錢千貫。遷官三階。三年。除河平軍節度使。請城宜村爲衛州。以護北門。上從之。入爲兵部尚書。知大興府事。俄權中都行省。參知政事。南奔時。與子義傑率其徒夜出。不能進。因語義傑。汝可求生。吾死於此。遂自縊。

義傑伏羣屍中以免贈翰林學士承旨令立碑鄉里歲時致祭
訪其子孫錄用諡曰文簡

烏林荅乞住大名路猛安人登大定末進士累官尚書省令史
除山東提刑判官英王府司馬御史臺薦舉稱職改太原府治
中陝西按察簽事歷汝沁三州刺史北京臨潢按察副使蒲與
路節度使未幾罪奪三官降德昌軍節度副使崇慶初戍邊有
功遷一官賞銀百兩重幣十端轉利州刺史貞祐初累成王府
同知歸德興平二軍節度使就充東面經畧使改元帥右都監
赴援中都戰歿贈榮祿大夫參知政事給其家半俸
馬驥禹城人登進士歷官有聲貞祐三年為曹州濟陰令元克
曹州驪被執軍卒撈掠求金荅以吾書生何從得又使跪曰吾
膝不能屈欲殺即殺惟願為大金鬼足矣遂死贈朝列大夫泰

定軍節度副使仍樹碑于州四時致祭其子惟賢收補八貫石
局分元兵又攻唐邑主簿李朮魯福壽與戰死之贈官三階
賻錢五百貫又攻日照縣時登州軍事判官吳邦傑寓居本
縣村墅為兵所得驅令攻城辭以吾荷國恩詎忍反攻與之酒
食不顧乃殺之詔贈朝列大夫定海軍節度副使

吳僧哥西南路唐古乙刺札上沙鶯部落人拳勇善騎射大安
間選籍為兵俄充馬軍千戶有功遷萬戶權順義軍節度使貞
祐初朔州失守僧哥復取之真授節度同知弟廸刺節度副使
燕曹兒節度判官提控馬壽兒以下遷授有差眾苦乏食乞賜
糧十五萬斛朝議謂應州已破朔為孤城勢不可守遷軍民九
萬餘口分屯嵐石隰吉絳解之間未行適元兵至兄弟力戰七
晝夜有功遷授太原府同知兼知節度事廸刺石州刺史曹兒

尚嵐州防禦同知四年始遷其民且戰且行數十里力憊而死
時年三十詔贈鎮國上將軍順義節度使
完顏從坦宗室子大安中充尚書省祇候郎君貞祐三年自募
義兵數千從提舉奉先范陽三都統兵除涿州同知遷刺史佩
金牌經畧海州項之充宣差都提控安撫山西軍民應援中都
上書言九事一絳解二州僅能城守連歲不登人多艱食願罷
大陽等渡禁約許粟麥過河村落小民咸得以濟二絳解河中
必爭之地令寶昌軍節度使從宜規畫鹽池地利賤實之則民
受其利兵可以強三中條山南垣曲平陸芮城虞鄉乃河東形
勢陝洛襟喉可分陝州步騎萬二千人為一提控四都統分戍
四縣此萬全之策四平陸產銀鐵若以鹽易米募工鍊冶可以
廣財用備戎器且小民備食因以息盜五河北貧民渡河逐食

已而復還艱苦殊甚當抑止苛暴之吏誅求大弊六河南陝西
調度未急宜擇騎軍牝馬羣牧不三三年可增數萬軍勢自振
七諸路印造寶鈔久而益多必將積滯止於南京印造給降庶
可久行八河北職任雖除授不次人皆不願凡以物價十倍河
南祿廩虛估難免困踣若給實俸之半少足養廉則可責其効
九河南官吏但遇河北官類以貶逐目之乞行禁止書奏下
尚書省議事多施行四年行樞密院于河南復上書用兵累年
出輒無功士庶且充行伍况于皇族義同休戚皆當從軍親冒
矢石為士卒先以少寬聖主之憂族人道哥實同此心願隸臣
麾下宣宗嘉其忠許之興定元年改輝州刺史權河平節度使
孟州經畧使萬戶宋子玉率所部叛斬關而出追擊敗之其黨
邢福殺子玉以其衆降悉放歸農又奏養兵所以衛民今諸路

兵皆入城自守百姓耕稼失所臣計河朔諸郡惟真定河間可
留其衆扞城其餘州郡皆當散屯于外以爲民防俟稼穡畢功
然後移于屯守之地從之尋授東平府同知權元帥左監軍與
李革俱守平陽元兵破太原河東郡縣皆不守上言平陽河東
根本河南之藩籬也今行省兵不滿六千乞併懷孟衛州諸屯
以實潞州調澤州沁水端氏高平諸兵並山爲營以爲聲援未
報是月壬子元兵圍城提控郭川戰于城北被執不屈而死癸
丑城破從坦自殺贈昌武軍節度使李革字君美河津人父
餘慶廷試不第革少穎悟書一再誦輒記不忘大定二十五年
登第調真定主簿察廉遷韓城令州同納富商賂以歲課軍須
配屬縣革獨不聽提刑司旄其能遷河北東路轉運都勾判官
以太原推官丁內外艱起復知大興縣歷中都左警巡使南京

提刑判官泰和中爲監察御史昭義軍節度同知簽南京按察
事尚書省奏與山東簽事孟子元體訪官員能否赴闕奏事改
刑部員外郎調觀州刺史兼提舉漕運陝西西路按察副使入
爲大興府治中府尹徒單南平貴倖用事勢傾中外常遣所親
以進取誘革拒之貞祐二年遷戶部侍郎行河北西路六部事
兼知開封府河南勸農使戶吏二部尚書陝西行省參議官四
年拜參知政事元兵破潼關以失備禦上表請罪罷爲絳陽軍
節度使興定元年改知平陽府事兼河東南路兵馬都總管太
原兵後闕食革移粟七萬石以濟二年宣差粘割梭失至河東
移牒行省預備清野革奏今歲雨澤及時秋成可待今晚禾尚
未熟如令毀耕民將不堪詔從之十月平陽被圍徵兵吉陽霍
三州不時至裨將李懷德縋城出降旬日出戰傷者過半兵自

城東南入左右請革上馬突圍出歎曰吾不能保此城何向日見天子汝輩可去即自殺贈尚書右丞

弘簡錄卷二百四十二終

弘簡錄卷二百四十三

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金忠節二

伯德窠哥

納合蒲刺都

烏古論德升

趙益

賈邦憲

移刺阿里合

女奚烈幹出

時茂先

梁持勝

溫迪罕老兒

紇石烈鶴壽

完顏六斤

蒲察婁室

張資祿

侯小叔

王佐 再顯

張邦憲

劉全

商衡

馬慶祥

完顏彝

從兄鼎

楊沃衍

劉興哥

駝滿胡土門

妻烏古論氏

撒答輦

妻獨吉氏

強伸

姬汝作

馬肩龍

愛申

木甲脫魯灰

伯德窠哥西南路咋纒奚人素稱壯健沉勇貞祐五年元兵已

破東勝州窠哥與姚里鴉胡姚里鴉兒銘集義軍披荆棘復立

州事帥府承制咸授武義將軍宸哥寧遠軍節度副使鴉胡節
度判官鴉兒觀察判官興定元年各遷兩階遙授宸哥武州刺
史權節度使鴉胡權同知鴉兒權副使三年又特遷三官遙授
晉安府同知尋真授東勝軍節度使州復被圍城中糧盡援絕
乃率衆潰圍走保長寧寨九月復被圍宸哥死之詔贈三官
納合蒲刺都大名路猛安人承安二年登第調大名教授由比
陽令補尚書省令史除彰德軍節度副使以憂去貞祐二年調
西安軍節度同知歷臨洮平涼二府河州防禦使三年夏人圍
定羌蒲刺都擊走有功遙授彰化軍留後四年升河州爲平西
軍就以爲節度使上言古者一人從軍七家奉之若興十萬之
師不得操事者七十萬今籍諸道民爲兵者十七八奉之者纔
二三民安得不困大抵兵貴精不在衆擇其勇敢謀略而罷老

弱脆懦使歸農畝是亦紓民之一端也又請補官贖罪以足軍
用及請佃陝西荒田開採礦冶不報改知平涼府入爲戶部尚
書是時伐宋大捷因奏宋人屢敗其氣必沮可乘此遣人說諭
以尋舊盟若不從然後伐之疾讐怒頑易以成功朝廷不能用
又言陝西弓箭手不習騎射可選善騎者代之延安屯兵甚衆
分徙萬人駐平涼關中元帥猥多除京兆重鎮其餘皆可革罷
凡鞏縣以北黃河南岸及金鉤弔橋虎牢關號州崕嶺斜徑僻
路俱當置兵防守下尚書密院議竟不施行興定二年改元帥
右監軍兼昭義軍節度使行潞州元帥府事是年潞州破蒲刺
都力戰而死贈御史大夫

烏古論德升本名六斤益都路猛安人明昌二年登第累官尚
書省令史知管差除轉吏部主事絳陽軍節度副使父憂起復

弘治中太常博士東平治中大安初知弘文院改侍御史遷肇州防禦使時泰州殘破東北路猛安謀克皆寓肇州凡徵調往復甚難乞升肇州爲節度使以招討使兼之置招討副使二員分治泰州及宜春詔從之宣宗遷汴名赴闕進翰林侍讀學士兼戶部侍郎俄權參知政事因論近侍局預政宣宗怒出爲集慶軍節度兼亳州管內觀察使改汾陽軍河東北路宣撫副使復轉知太原府權元帥左監軍招其民降北者得四千三百餘人興定元年元兵攻太原糧道絕德升屢出兵戰道復通遷一官上言皇太子聰明仁孝保訓之官已備更宜選德望素著者朝夕左右之日聞正言見正行此社稷之洪休生民之大慶也宣宗嘉納之二年眞授左監軍行元帥府事元光元年元兵復圍太原環之數匝已破濠垣植柵爲拒出其家銀幣及馬賞戰士北軍

環城西北隅以入復聯車塞之三却三登矢石如雨守陴者不能立城破德升泣曰吾守此數年不幸力窮乃回府署與同知趙益共焚府庫殺妻子沉符印于井俱自縊詔贈翰林學士承旨子兀里偉尚幼以奉御俸養之趙益本地人讀書肄業元兵入境鳩合土豪保聚山陝屢戰有功郭文振署爲壽陽令駐兵榆次重原寨收復太原夜登其城斬馘甚衆所獲馬仗不可計護老幼二萬餘口以出升太原治中擢同知府事兼招撫使贈銀青榮祿大夫河東北路宣撫使錄其子孫

賈邦獻霍州霍邑縣陳村人登進士質直有勇略元攻河東集居民爲守禦計旣而兵大至居民悉降邦憲棄其家獨與子懿保於松平寨偕權知州事劉珍共守竟能成功珍每欲辟之輒以衰老爲辭興定四年十月兵復大至病不能避與懿俱被執

脅之以刃欲以爲鎮西元帥邦憲不屈密遣懿歸松平遂自剄
贈奉直大夫本縣令 時遼人移刺阿里合爲霍州刺史移治
好義堡兵至力戰不能敵與寶昌軍節度副使孔祖湯同時被
執使降答曰吾有死無貳叱使跪但向闕而立叢矢射殺之詔
贈阿里合龍虎衛上將軍泰定軍節度使祖湯泰和三年進士
贈資善大夫平陽府同知

女奚烈幹出仕至楨州刺史被行省牒徙州人于金勝堡遇大
兵至拒戰中流矢病劓臥州人多不能至同行軍事推官王謹
收遺散之衆別屯周安堡素缺樓堞守備花帽軍張提控言兵
勢不可當勸宜速降答曰吾曹坐食官祿可忘國家恩乎汝不
聞趙坊州以金帛子女與敵人終亦不免我輩但當力戰而死
至夜張親引數人持兵仗入脅幹出使降辭曰聽汝所爲吾終

不屈遂殺之執其妻子出降謹力拒戰十餘日內潰被執亦不
屈而死詔各贈官六階升職三等 又日照縣沙溝酒監時茂
先寓居諸城紅襖賊郭方三據密州自稱元帥過其村居民相
率迎之茂先獨不肯方三怒執之已斷其腕大罵不屈賊不勝
忿復剔其目亂刃剄之至死尚不絕聲事聞詔贈武節將軍同
知沂州防禦使事

梁持勝字經甫本名詢誼避諱改保大軍節度使襄之子也多
力善射泰和六年登進士宏詞二科累官太常博士遷咸平路
撫司經歷時宣撫蒲鮮萬奴有異志欲棄咸平徙曷懶路持勝
力止之萬奴怒杖之八十走告上京行省太平是時太平實與
通謀口稱其忠而心不然署爲左右司員外郎旣而太平受萬
奴命焚毀上京宗廟執元帥承充奪其軍持勝密約咸平治中

裴滿賽不萬戶韓公恕共殺太平復推承充行省事同伐萬奴
事泄俱被害詔贈持勝中順大夫韓州刺史賽不鎮國上將軍
顯德軍節度使公恕明威將軍信州刺史及攻上京萬奴子
鐵哥生獲同知留守溫廸罕老兒脅之使招餘人不從怒斫而
死贈龍虎衛上將軍婆速兵馬都總管以其姪墨廝爲後特授
四官

紇石烈鶴壽河北西路山春猛安人性淳質軀幹雄偉初充親
軍中泰和武舉調襄信縣副巡檢六年宋人圍蔡州請于防禦
使與勇士五十人夜斫宋營城上諸軍大譟斬三百餘級宋兵
自相蹂踐死者千餘遲明解去鶴壽追之使殿曳柴宋人顧塵
起以爲大兵至遂奔追襲至陳寨而還復取所據新蔡新息襄
信三縣得馬三百匹充行軍萬戶從大軍出壽春敗宋人于濶

口奪馬千餘匹攻下真滸二州及盱眙軍還遷息州同知轉萬
寧宮同提舉大安三年充西南路馬軍萬戶夏人五萬圍東勝
引兵救援突圍入城兵解賜以銀綵遷尚方署令充行軍副統
改行省左翼武衛軍皆爲都統轉馬軍副提控至鈐轄充都城
東面宣差副提控貞祐二年父憂起復武寧軍節度副使破紅
襖賊于蘭陵石城堠御史陳規奏其多掠良人詔行院拘括放
之尋遙授武寧軍節度同知坐出獵縱火延燒官草改河平軍
節副興定元年充馬軍都提控入宋襄陽界復授武勝軍節度
同知睢州刺史二年攻棗陽三敗宋兵改歸德府同知三年奪
宋石渠寨決去棗陽濠水加宣差鄧州路軍馬從宜遷授汝州
防禦使四年宋扈太尉步騎十萬圍鄧鶴壽大出金帛賞士許
以遷官加賞自將餘衆日出搏戰宋兵焚營去鶴壽因被劄遣

招撫副使木虎移刺答追及之殺數十人奪其俘而還詔如所請優遷將士官爵以爲金紫光祿大夫武勝軍節度使母憂起復權元帥左都監行元帥府于鄜州興定五年十月鄜州破與數騎突出城追及之鶴壽據土山力戰而死諡果勇 同時完顏六斤中都路胡土愛割蠻猛安人大安中以蔭補官遷充親軍調阜平尉遷方城令改通州軍事判官以功遷本州刺史頃之蒲察七斤執令北去挈家脫歸除臨洮府同知徙慶陽遷保大軍節度使鄜城破自投崖下而死贈特進知延安府事諡陝西行省訪其子孫以聞

蒲察婁室東北路按出虎割里罕猛安人泰和三年登第歷慶都牟平二簿以廉能遷中都右警巡副使補尚書省令史知管差除貞祐初授吏部主事改監察御史母憂服闋充行省經歷

轉京兆治中遙授定西刺史充元帥參議官興定二年與元帥承裔攻下西和州白撒由秦州進兵抵棧道宋人悉銳來拒婁室乘高立幟策馬旋走揚塵爲疑兵別遣精騎掩出其後宋兵大潰乘勝遂拔興元進除丹州刺史再遷河中府同知權元帥右都監河東路安撫使復取平陽晉安優詔褒寵進階賜銀綵重幣遙授孟州防禦使與張資祿將兵救鄜州轉戰而至城破死之贈資德大夫定國軍節度使諡襄勇勅行省求其屍以葬張資祿咸平府人泰和伐宋從軍有功調易縣尉遷潞縣簿

貞祐初遙授德州防禦同知改秦州三年轉通遠軍節度同知興定元年擢西寧州刺史賜姓女奚烈久之遙授臨洮府同知兼定西刺史從都監阿鄰破宋兵于梢子嶺三年攻破武林關以功最遙授通遠軍節度使五年復改隴安金安二軍詔卿久

在行陣御下有法舊隸士卒多在京兆今正防秋關河要衝悉心備禦將兵救鄆州鄆州城破被執不肯降遂死贈銀青榮祿大夫中京留守元光元年錄其二子烈山林泉升職一等陝西行省軍中用之

侯小叔河東縣人本河津水手貞祐初籍充鎮威軍以勞補官元光元年元兵圍河中遷爲府判權河東南路安撫副使小叔盡護農民入城以家財賞戰士圍始解遷爲治中樞密院奏小叔才能可用權位輕不足威衆乞假符節詔權元帥左都監便宜從事提控吳德說小叔出降叱出斬之表兄張先復從容言使保妻子怒謂先日我舟人子致身至此何云出降縛於柱殺之飯僧祭葬以盡親戚之情頃之密院遣都監訛論來議兵事因出城與訛論會石天應乘機取河中府作浮橋通陝西小叔

駐樂李山寨衆兵畢會夜半坎城以登焚樓櫓火照城中天應大驚盡棄輜重牌印馬牛雜畜死于雙市門小叔燒絕浮橋撫定其衆遷昭毅大將軍遙授孟州防禦使同知河中府事二年正月元軍十萬圍城總帥訛可遣提控孫昌樞副完顏賽不遣李仁智各率兵來援咸約夜中鳴鉦內外相應及期小叔出兵昌與仁智不敢動復斂衆入城兵圍益急密遣經歷張思祖奔告于汴明日城破已死不得其屍或疑尚在後四十餘日中條諸寨無所統領乃詔推官籍阿外權領右都監命總其軍宣宗思小叔功下詔褒贈切責諸將治以不救河中之罪

王佐字輔之霍州農家子豁略不事產業輕財好施善騎射興定中聚兵數千權領霍州事平陽胡天作承制加忠勇校尉趙城丞遷霍邑令同知蒲州軍事權招撫副使蒲州經略使詔遷

宣武將軍遙授寶昌軍節度副使元兵取青龍堡佐被獲署霍州守將隸元帥崔環下環質其妻子佐乃與招撫使成天祐同謀殺環天祐疑佐妻子在環所若何對曰佐豈顧家者耶遂因出獵殺之率軍民數萬請命加龍虎衛上將軍元帥右監軍兼知平陽府與平陽公史詠素不協詔徙沁州玉女寨同禹顯俱聽上黨公張開節制元光二年七月因救襄垣中流矢卒贈金吾衛上將軍錄其子爲符寶典書禹顯雁門人貞祐初隸上黨公張開累有戰功授義勝軍節度使兼沁州招撫副使元光二年四月大帥達兒斛按察兒攻河東張開遣顯扼龍猪谷夾攻敗之擒元帥韓光國獲輜重甲仗甚衆追至祁縣而還所歷州縣悉復之願將兵二百守襄垣八年不遷元大帥集河朔步騎數千攻之數四不能拔旣而戰於玉女寨大獲開言於朝權

元帥府都監正大六年十一月軍內變城破被擒帥義之不欲加害以鐵繩鈐之聞上黨公軍復振密與部曲二十人遁去將往從之元兵四向追顯顯匿山寺中被執不屈而死時年四十

張邦憲字正叔秦州人登正大中進士爲永固令天興二年避兵徐州卓翼率兵至城邦憲被執將驅之北邦憲罵曰我進士也蒙朝廷用爲邑長可從汝曹反耶遂遇害時彭城民劉全率鄉鄰數百避兵洙溝推爲砦主元兵至徐盡俘老幼質其父來招全縛其人送州因竊父而歸徐帥益都嘉其忠承制授昭信校尉遙領彭城縣尉後遇國用安以其不附已見殺

商衡字平叔曹州人至寧元年特恩第一授鄆州洛郊主簿以廉能換郿縣尋辟威戎令興定三年歲饑衡白行省開倉賑貸

全活甚衆後因地震城圯夏人乘釁入侵衡率蕃部土豪守禦
應敵保以無虞秩滿縣人爲立生祠再辟原武令未幾入爲尚
書省令史轉戶部主事拜監察御史上言哀宗姨邴國夫人不
時出入宮闈干預政事聲跡甚惡自是非被名不敢輒進又論
慶山奴守盱眙與李全戰敗朝廷置而不問自古敗軍之將必
正典刑不爾無以謝天下詔降黜之又數戶部侍郎權尚書曹
溫之罪其女在掖庭親舊干預權利家人填委諸司貪墨彰露
詔罷溫戶部改太后府衛尉再言溫果可罪當貶逐無罪則臣
爲妄言豈有是非不別但爲兩可之理上爲動容出溫汝州防
禦使未幾擢衡右司都事改樞密院經歷遙領昌武軍節度同
知丞相賽不復奏爲陝西行省左右司員外郎正大初河間許
古詣闕言八座率非其材省寺小臣有可任宰相者上問爲誰

乃以衡對八年母喪還京起復秦藍總帥府經歷天興元年二
月關陝行省徒單兀典等敗於鐵嶺衡未知諸帥存歿招集潰
軍以須其至遂爲兵士所得欲降之不屈監至長水縣東岳祠
前誘使招降洛陽辭以我識何人爲汝招之兵知不可誘欲摔
其中瞋目大呼終不肯屈望闕瞻拜曰主將無狀亡兵失利臣
之罪責亦無所逃但以一死報國耳遂引刀自剄年四十六
馬慶祥字瑞寧本名習禮吉思先世自西域入居臨洮狄道以
馬爲氏後徙家淨州天山泰和中試補尚書省譯史爲人智辯
通六國語大安初衛王始通問於元選爲副使還授開封判官
內城之役充應辦使不擾而事集未幾元兵出陝右命副完顏
仲元爲鳳翔府路兵馬判官元光元年元將萌古不花來攻行
省檄與治中胥謙分道清野將行自分必死命畫工肖貌付其

家人以行明日遇先鋒于澮水不利且行且戰將及城會元兵
邀其歸路度不能脫諭麾下騎曰吾屬荷國厚恩竭力効死乃
其職也皆應曰諾人殊死戰良久矢盡兵圍數匝擁以行欲降
之語言往復慶祥與謙及其子嗣亨俱不屈而死時年四十六
仲元與屍歸葬鳳翔普門寺之東事聞與謙俱贈輔國上將軍
慶祥恆州刺史諡忠愍謙彰化軍節度使嗣亨威遠將軍鳳翔
府判官棧州金勝堡提控僕散胡沙亦死贈銀青榮祿大夫正
大二年哀宗爲立褒忠廟與王清田榮李貴王斌馮萬奴張德
威高行中程濟姬玘張山等十三人皆列從祀仍錄其孫
完顏彝字良佐豐州人小字曠和尚系出蕭王諸孫父乞哥泰
和南征以功授階州同知宋復階州戰歿於嘉陵江從兄斜烈
名鼎字國器畢里海世襲猛安以善戰知名自壽泗元帥轉安

平都尉鎮商州威望甚重敬賢下士有古賢將之風得歐陽修
子孫併其族屬鄉里三千餘人皆縱遣之貞祐中彝爲元兵所
掠其帥甚愛之置帳下時母尚留豐州鼎事之甚謹彝在元歲
餘託以省母乞還帥以卒監之至豐卽劫殺監卒奪馬奉其母
舉家南奔元兵追之由他路得免兄弟共輓鹿車載母渡河宣
宗授鼎都統彝補護衛彝天資高明雅好文史人以秀才目之
未幾轉奉御從鼎壽泗帥府充宣差提控佩金符鼎辟太原王
渥字仲澤者爲經歷文章論議與雷淵李獻能相上下故得師
友之授以孝經小學論語春秋左氏傳略通其大義遇軍中無
事於窗下作牛毛細字如寒苦之士其視世味漠如也正大二
年鼎落帥職爲總領屯方城復隨以往凡軍中事皆預知之鼎
一日病不出鎮防軍葛宜翁素鹵悍與李太和相毆訴于彝彝

不直宜翁量加笞責宜翁因恥受杖死其妻訟爲故殺當以大
辟聚書獄中讀之明年鼎病愈詔提兵而西入見哀宗怪其瘦
甚未幾遂卒上聞亟馳赦葬諭以汝兄死失吾一名將今故曲
法赦汝他日奮發立功國家得汝力始以我爲不妄赦矣葬泣
且拜退以白衣領紫微軍都統踰年轉忠孝軍提控五年元兵
入大昌原平章合達命爲前鋒卽沐浴易衣若將就木者擐甲
上馬不反顧是日以四百騎破八千衆三軍之士踴躍而言自
軍興二十年始有此捷奏功第一手詔褒諭授定遠大將軍平
涼府判官世襲謀克自此名動天下時忠孝軍皆回紇羌渾及
中原被俘避罪來歸者鷲狼凌突最號難制以御之有方坐作
進退皆中程式所過州邑給常料外秋毫無犯衙曲不復喧雜
每戰則先登陷陣疾若風雨諸軍倚以爲重六年有衛州之勝

八年有倒回谷之勝自刑徒未五年遷爲禦侮中郎將坐與同
列私議移刺大將軍蒲阿無持重之略今日得生口三百明日
得牛羊一二千士卒喘死則不復計國家積年兵力皆爲是人
破除盡矣蒲阿聞之置酒會諸將語以汝曾短長我誠有之否
徐應曰有蒲阿見其無懼容漫爲好語云有過當面論無後言
也合達復入鄧州留於闔鄉南十五里乃行葬亦隨而往九年
正月三峯山敗城破縱軍巷戰敵欲降之斫足折脛不爲屈割
口吻至耳喫血而呼至死不絕自言我忠孝軍總領陳和尚若
死亂軍中。人將謂我負國家。今日明白死天下必有知我者。元
將義之。爵以馬。誥曰好男子。他日再生。當令我得之。時年四
十一。詔贈鎮南軍節度使塑像褒忠廟勒石紀其忠烈

楊沃衍本名幹烈朔州靜邊官莊人少爲北邊屯田小吏元兵

入境率本族唐和廸刺部入保朔州南山茶杞溝有衆數千推沃衍爲招撫使號其溝曰府徒黨日集轉走寧輿武朔寧邊諸州朝廷遣人招之與衆來歸宣宗南遷次淇門聞之甚喜授武州刺史武州屢經殘毀貞祐二年元兵來攻死戰二十七晝夜不能拔乃退以功擢本州防禦使因度武州終不可守令遷其軍民駐岢嵐州升爲節鎮卽以爲節度使諭以益勵忠勤與宣撫司講睦保安軍民旣奉詔以身許國曰我大丈夫必死王事不死於家三年奉旨屯涇邠隴三州沃衍有軍九千分爲十翼五都統親統者十之四與夏人戰俘斬幾二千獲馬八百餘匹器械稱是興定元年賜姓兀林答末幾遙領通遠軍兼鞏州管內觀察使將兵五千從元帥白撒伐宋出鞏州鹽井至故城逢夏兵三百擊走之又入西和州至岐山堡遇宋兵六千凡三隊

遣軍分擊逐北三十餘里斬首四百級生擒人馬甲仗尋復得散關二年正月報捷上大喜遙授知臨洮府三年武林關之捷功又居多元光元年遙授中京留守俄拜元帥右監軍世襲納古胡里愛必刺謀克二年春元兵游騎數百掠延安而南約陀滿胡土門以步軍會戰胡土門宿將常輕沃衍遂失期沃衍獨率兵追之野豬嶺獲四人而還欲斬胡土門諸將哀請乃釋之俄而兵大至駐德安寨復擊走之未幾元兵攻鳳翔還道出保安遣提控完顏查刺破于石樓臺前後獲馬二百符印數十詔有司論賞時元兵聲勢益振旣破西夏長驅入關所至望風降附獨沃衍尚率其部將劉興哥往來邠隴間屢戰屢勝故元軍不能東陝西行省檄令清野不從嘆息曰我若清野明年民何所食遂隔大澗奮勇使民畢麥事正大二年進左監軍八年冬

合達蒲阿入鄧州留沃衍守闔鄉先是宣宗時遣宣徽使與敦阿虎使元元臣示以輿地圖我不從商州則取興元路入汝界阿虎還奏甚憂之詔令取洛南路入商州備上津與武仙相倚角謀知元兵由豐陽而東還會元軍相遇於五朶山下聞禹山戰敗憤云平章參政蒙國厚恩握兵柄失事機不能禦戰乃縱兵深入尚何言耶後三峯山敗沃衍走鈞州其部曲白留奴呆劉勝降元請招沃衍元帥質留奴令勝見沃衍道元帥意當授大官沃衍初以善言慰撫竟前拔劍斫之曰我起身細微蒙國天恩汝欲以此污我耶遂遺語部曲後事望汴京拜且哭目無面目見朝廷惟有一死耳即自縊部曲舉火并所寓屋焚之從死者十餘人時年五十二 典哥鳳翔號縣人起於羣盜人呼曰熱劉後於清化戰死元兵至爾酒以弔西州耆老語之至爲

泣下。

宅滿胡土門字子秀登策論進士累官翰林待制貞祐二年遷知中山府二年改臨洮兼本路兵馬都總管叛賊蘭州極陳僧等誘夏人寇臨洮圍城半月城中兵數千粟且不支衆皆危之胡土門日爲開諭禍福皆自奮其黨二十人欲爲內應因捕斬之擲首城外賊四面來攻夜出襲賊壘夏兵大亂遂遁去四年改知河中府權河東南路宣撫副使進元帥右監軍興定二年爲絳陽軍節度兼管內觀察使轉左監軍行元帥府事兼知晉安府河東南路兵馬都總管修城繕甲積芻糧以備戰守民以爲擾胥鼎聞之遺以書曰元帥始鎮河中惠愛在民移旆晉安遠近忻仰去歲兵入平陽不守河東保完者惟絳而已蓋公坐籌制勝威德素著故不動聲氣以至無虞邇來傳聞治政太剛

科徵太重鼎切憂之古人有言御下不寬則人多懼禍用人有疑則士不盡心况元兵在邇鄰境已虛小人易動誠不可不慮也願公以謙虛待下忠孝結人明賞罰平賦稅上以分聖主宵旰之憂下以爲河東長城之託書至以前李革在平陽隱忍不言遂至於敗乃上言小民難與慮始以臣治陞陲積芻糧爲捍禦之計政令頗急皆有怨言遂貽行省之憂自聞訓諭內自後悔外加寬撫庶幾少慰衆心而近以朝命分軍過河則又謹言帥臣不益兵保守而反助河南將棄我也人心如此恐一旦遂生他變臣實拙繆無以服人朝廷得書謂欲以請去晉安遣吏部尚書完顏閻山代之未幾晉安失守死者幾百萬遂失河東三年八月改太常卿權簽樞密院事知歸德府事正大三年復爲臨洮府總管四年五月城破被執誘降不應跪亦不從以刃

亂斫其脛終不爲屈遂殺之贈中京留守立像褒忠廟錄用子孫 妻烏古論氏朝貴伯祥妹仕宦中聲譽藉甚崔立之變謂家人曰吾夫不辱王事我敢辱夫與家乎卽自縊一婢從死 內族撒合輦字安之宣宗朝累遷同簽樞密院事病篤之夜英王盤都先入侍皇太子後至東華門已閉都點檢徒單合住奏中宮得旨領符鑰啓門見皇太子令解合住佩刀命輦佩之哀宗遂入明日卽位大見親信正大元年超升二品同判大睦親府事諂事君上教哀宗以騎鞠明惠皇后嘗傳旨戒以再犯不饒四年元兵自鳳翔入京兆關中大震召與賽不及司諫陳規御史烏古論四和完顏習顯等同入議西事勸上靜以待之上曰方春北方馬羸秋高大勢併來何以支持朕已諭合達盡力決一戰矣卿等以爲何如規謂兵難遙度百聞不如一見臣嘗

任陝西近年又屢到兵將冗懦恐不可用未如聖料賽不力主和議言今已遣和使可中輟乎四和奏二人言皆非是臣近至陝西軍士勇銳皆思一戰習顯從而和之上首肯至八月朝廷已得清水之報令有司罷防城凡軍需租調不急一切權停上諭輦曰諺云水深見長人朝臣欲我決戰汝獨云云與朕意合今日有太平之望皆汝謀也先帝嘗言汝可用可謂知人矣未幾規與李大節赤盞尉欣皆言其交結中外久在禁近招權納賄上不得已出爲中京留守兼行樞密院事朝論以爲快九年正月戊子元兵破河中一軍由洛陽東四十里白坡渡河白坡故河清縣河有石底歲旱水不盈丈國初以三千騎由此路趨汴是後縣廢爲鎮宣宗南遷常以此路爲憂每冬戍以洛陽一軍元兵聞之驀奪以濟諸軍二月乙亥立砲攻城潞中初無軍

得三峯潰卒三四千與忠孝軍守禦時輦病疽不能軍同知溫廸罕幹朶羅主軍務巡城犒軍有大事則就輦稟之三月甲申忠孝軍百餘入宅強擁輦出奔不得已從之并以官屬及其子自隨纔出南裏城門軍士覺之閉外門矢石亂傷人馬輦知不能出仰呼求救明出奔非已意軍士復送入宅鎮撫官縛出奔之黨已斬三人輦親爲乞命得免乙酉幹朶羅賫金帛出北門如前犒軍之狀軍士及將領隨而去者三四百人少頃輦傳令同知叛降有再下城者斬凡斬三四人方止妻獨吉氏平章干家奴女護衛銀木可之妹自幼動有禮法閨門肅如度城必破語夫曰公本無功能今爲外路第一等官受國恩厚如此不幸病不能戰設若城破當率精銳盡死報國幸無以我爲慮撒合輦出巡城獨吉氏取資貨先散家人次取平日衣服粧具玩好

弘簡錄 卷二十三
布之臥榻。艷粧盛服。過於平日。口戒女使。我死則扶置榻上。以
衾覆面。四圍舉火焚之。無使兵見吾面。言訖閉門自縊。年三十
六。撒合輦從外至。聞之拊榻曰。夫人不辱我。我肯辱朝廷乎。丙
戌夜。城東北角破。輦率死士奪南門出。不果。投壕水死。
屈伸。本河中射糧軍子弟。貌極寢陋。而膂力過人。興定初。從華
州副都統安寧復潼關。有勞。使監邵陽醋。後客洛下。選充官軍。
戍陝。鐵嶺軍潰。被執。從都尉烏林答。胡土竄歸中京。撒合輦死。
元帥左監軍任守真復立府事。以便宜署伸警巡使。守貞又死。
鄭州天興元年八月。中京人推伸爲府簽事。領所有軍二千五
百人。傷殘老幼半之。甫三日。復被圍。東西北三面多樹大砲。伸
括衣帛爲幟。立之城上。募壯士得五千人。赤身而戰。往來救應。
大呼以慙子軍爲號。其聲勢與萬衆無異。兵器鎔錢爲鏃。得元

兵一箭。截而爲四。以筒鞭發之。剗過敵砲。能發大石於百步外。
所擊無不中。伸奔走四應。所至必捷。得二駝及所乘馬。皆殺之。
以犒軍士。人得一鬻。如百金之賜。九月元兵退百里外。閏月復
攻。兵倍於前。又一月不能拔。事聞。哀宗降詔褒諭。拜伸中京留
守元帥左都監。世襲謀克。行元帥府事。二年二月。伸建一堂於
洛川驛之東。名曰報恩。刻詔文於石。誓以死効。三月中。使至以
伸便宜從事。月餘糧盡。軍民稍稍散去。五月元兵復來。陣於洛
南。伸陣水北。有韓帥者。匹馬立水濱。招伸降。伸責曰。君獨非我
家臣子耶。旣不能勤王。遣令名于世。乃欲誘我降耶。我本一軍
卒。今貴爲留守。誓以死報國。遂躍而射之。帥奔陣。率步卒數百。
奪橋。伸軍一旗。手獨出拒之。殺數人。卽手解都統銀符。佩之士
氣復振。初築戰壘於城外。四隅至五門內外。皆有屏。謂之逃魂。

引簡錄 卷二百四十三
牆元兵以五百騎迫之仲率部下二百鼓譟而出元兵退六月
行省胡土既走鷹揚都尉獻西門以降仲知城不能守率死士
數十人突東門出轉戰至偃師力盡就執載以一馬擁迫而行
仲語不遜宛轉不肯進強掖之及中京七里河將見大帥塔察
兵宰相謂此人乖角如此若見大帥其能降乎不若殺之因好
語誘以汝能北面一屈膝吾貸汝命仲不從左右力持之仲反
拗頭南向遂殺之。

姬汝作字欽之端修姪孫父懋以蔭試部掾至尚書省令史汝
作讀書知義理性豪宕不拘綱行平日以才量稱正大未避兵
崧山保鄉鄰數百家眾尊事之後徙居交牙山砦會近侍局使
烏古論四和撫諭西山以便宜授汝作北山招撫使佩銀符使
入汝州汝州當殘破後初以宣徽同知張構為防禦使自揣不

能服眾以州事托青陽總帥呼延實實本趙城人楊沃衍部曲
以戰功至寶昌軍節度使復因城被楮降以張宣差者管州事
三月鈞州潰軍柳千戶入州張逃去柳遂據之及汝作至元兵
雖去徒空城乃為招集散亡復立市井元兵屢招降不從數戰
互有勝負已而兵復來攻汝作親督士卒以死拒之兵退間道
奏聞哀宗宣諭此州無險固可恃汝乃能為國用命授以汝州
防禦同知得便宜從事其地南通鄧州西接洛陽東出汴京三
面供億使傳不絕然呼延實在青陽為總帥忌汝作城守之功
不能相下實欲遷州入山言不久元兵必被汝作謂糧儲尚多
四面潰軍日至此輩經百死激之皆可用朝廷倚我守此州何
故棄之互為讒間有相圖之隙詳議官楊鵬諄語曰外難未解
而顧私忿乎實乃還山鵬因勸汝作納奏乞死守此州以堅軍

民之心其冬戰于襄邲得馬百餘士氣頗振遂以汝作爲總帥
不復與實相關矣天興二年六月上在蔡州遣使徵兵入援先
是州人爲邏騎所擾農事盡廢城中糧亦垂盡會中京破部曲
私議有唇亡之懼謀以城降懼汝作不敢言復白遷州入山汝
作怒曰吾家父祖食祿百年今朝廷又以帥職委我吾生爲金
民死爲金鬼汝輩言避於山非欲降乎有再言者斬至八月塔
察將兵攻蔡經汝州州人梁臯遂亂與故吏溫澤王和七八人
徑入州廨殺汝作時宣使石珪因體完洛陽破敗及強仲死節
事以路阻留汝州臯反走告汝作積糧斛不恤軍民衆怒殺之
珪懼乃以臯權汝州防禦使行帥府事脫走入蔡事聞哀宗嗟
惜遣近侍張天錫贈以昌武軍節度使子孫世襲謀克仍詔登
封帥范真討臯真令麾下李某以撫諭軍民爲名臯知圖已陰
爲之備李猶豫不敢發天錫至館于望松樓毒殺之臯後爲元
兵所殺楊鵬字飛卿素能詩

馬肩龍字舜卿宛平人先世遼大族有知典中府者號典中馬
氏祖大中金初登科節度全錦兩州父成誼明昌五年進士爲
京兆府路統軍司判官肩龍幼入太學善詞賦有聲宣宗初有
誣宗室從坦殺人將置之死人不敢言其冤肩龍獨上書言其
有將帥材人罕過之臣一介書生無用於世願代其死留爲天
子將兵書奏上問汝與從坦交分最厚對曰臣知有從坦從坦
未嘗識臣宣宗感悟赦之授肩龍東平錄事委行省試驗宰相
侯摯與語不契留數日罷歸將渡河與排岸官紛競搜箠中得
馬軍糧料名數及利害數事疑爲姦細繫歸德獄根勘適從坦
至立救出之正大三年客鳳翔元帥愛申知其可與謀事遺書

怡之 愛申一名忙哥本號縣鎮防軍累功遷總領李文秀據秦州宣宗詔鳳翔軍討之而愛申在軍中有非常死宣宗問樞帥有知申者奏此人將帥材忠實可倚卽命赦之以爲德順節度使行元帥府事四年春元兵西來擬以德順爲坐夏之所城中惟有義兵鄉軍八九千人甚危之肩龍得書欲行鳳翔總管禾速嘉國鑑語以吾城可全德順決不可守往則必死肩龍曰我已知之然愛申平生未嘗識我一見許爲知己今以知己故不得不爲之死耳乃舉行橐付族父明爲死別冒險而去旣至不數日受圍假肩龍鳳翔總管府判官守禦一與共之凡攻守二十晝夜力盡同死于難時年五十三詔各贈官配食褒忠廟

木甲脫魯灰上京人其先有開國功世襲北京路宋阿答阿猛

安貞祐二年宣宗遷汴率本部兵赴中都扈從上喜特授御前馬步軍都總領宋人略南鄙命同簽樞密院事時全將大軍南伐脫魯灰率本部屢摧宋兵破城寨以功遙授武昌軍節度使元帥右都監行蔡息等路元帥府事邏卒擒宋人畜牧越境者法當械送脫魯灰以國家境土日蹙民力彫耗幸邊無事人得稍息若戮此曹則邊釁復生兵連禍結乃釋之以絕兵端哀宗卽位授鎮南軍節度使蔡州管內觀察使行戶工部尚書時元兵入陝西上章曰宋人與我爲讐頃以力屈自保非其本心今元兵入陝西河南出師轉戰連年不絕兵死于陣民疲于役國力竭矣壽泗一帶南接盱楚紅襖賊李全巢穴萬一宋人謀知與全乘虛而入腹背受敵非計之得臣已令所部沿邊警斥以備非常宜勅壽泗帥臣謹斥候嚴烽燧常若敵至上是而行之

二年秋傳言宋人將入侵農司令民先期刈禾脫魯灰曰民所恃以仰事俯育及供億我國家者秋成而已今使未成而獲國何以仰民何以給亟遣軍巡邏聽民待熟宋人卒不入又得謀報光州江太尉將以八月發兵來取真陽請籍丁男以備脫魯灰曰此必姦人聲言使吾民廢務不可信我觀太尉惟怯人耳寧敢爲此已而果然叛人焦風子者沿河南北屢爲反覆朝廷授以提控之職令將三千人戍遂平四年春謀率其衆入宋脫魯灰策之伏兵數千鄱陽道賊果夜由此出發而殪之七年元兵攻藍關至入渡倉而退舉朝皆賀以爲無事獨言潼關險隘兵精足用然商洛以南瀕於宋境大山重複宋人不知守國家亦不能逾境屯戍元兵若由散關入興元下金房繞出襄漢北入鄧鄙則大事去矣宜與宋人釋怨諭以輔車之勢唇亡齒寒彼必見從據其險要以備不然必敗是秋改授小關子元帥屯商州大吉口九年春從行省參政徒單吾典將潼關兵入援至商山遇雪元兵邀擊之士卒饑凍不能戰而潰脫魯灰被執不屈拔佩刀自殺。

